

কর্ণাজ্জুন



[স্ত্রী-ভূমিকা বর্জিত নাটক]

● রচনা করেছেন—
কেশব সেন

● গান লিখেছেন—
কবি সুনির্মল বসু

প্রকাশ করেছেন—
শ্রীস্ববোধচন্দ্র মজুমদার
দেব সাহিত্য-কুটার প্রাইভেট লিঃ
২১, বামাপুকুর লেন,
কলিকাতা—১



আগষ্ট
১৯৪৭



ছেপেছেন—
এস. সি. মজুমদার
দেব-প্রেস
২৪, বামাপুকুর লেন
কলিকাতা—২



দাম—
ট. ১.০০

পরিচয়—

শ্রীকৃষ্ণ

মহাদেব, সূর্য্য, ইন্দ্র, অগ্নি, বরুণ

ভার্গব, তাপস, দ্রোণ, মন্দপাল ঋষি, ব্রাহ্মণ, উদাসী

যুধিষ্ঠির, ভীম, অর্জুন, নকুল, সহদেব, যুধিষ্ঠিরের পুত্র প্রতিবিন্দ্য

দুর্যোধনাদি ভ্রাতৃগণ

কর্ণ, কর্ণের পুত্র বৃষকেতু ও বৃষসেন

ভগদত্ত, ধৃষ্টদ্যুম্ন, অন্যান্য রাজস্ববর্গ

গরুড়, তক্ষকপুত্র অশ্বসেন, ময়-দানব

ব্রাহ্মণগণ, নাগরিকগণ, সৈন্যগণ ।

উৎসর্গ

পবম স্নেহভাজন

শ্রীমান্ রমেন্দ্রনারায়ণ সেন

কুমারী অমিয়ারাণী সেন

কল্যাণীয়েষু ..

জন্মাষ্টমা, ১৩৩৯
গৈলা-কুটীর, ঢাকুবিয়া
২৪ পবগণা

}

কেশব সেন

কর্ণার্জুন

—○*○—

প্রথম অঙ্ক

প্রথম দৃশ্য

[অধিরথ সূতের গৃহপ্রাঙ্গণ ; উগ্রযুক্তি ব্রাহ্মণ ও
কৃতাজলিপুট কর্ণ]

ব্রাহ্মণ । ছুরাচার ! তুই আমায় স্পর্শ করলি ?

কর্ণ । আমি তো আপনাকে প্রণাম করেছি মাত্র, তাতেই
দোষ ?

ব্রাহ্মণ । হাঁ—তাতেই দোষ । ব্রাহ্মণ আমি গঙ্গাজলে স্নান
করে আত্মিকে বসতে যাচ্ছিলাম, তোর স্পর্শে দেহ আমার
অপবিত্র হ'ল ! আবার আমাকে স্নান করে আসতে হবে ।

কর্ণ । একটু আগে একটা কুকুর এই পথ দিয়ে চলে গেল,
তার স্পর্শে আপনার পবিত্রতা নষ্ট হ'ল না—নষ্ট হ'ল আমার
স্পর্শে ? নীচ কুলে জন্মেছি বলে কি আমি ঐ কুকুরের চাইতেও
হীন ?

কর্গাজ্জুন

ব্রাহ্মণ । নিশ্চয় । ঐ কুকুর ধন্য—তোর মত হীন মানব-
বংশে সে জন্মগ্রহণ করেনি । কী আপদ ! কী আপদ !

[ব্রাহ্মণের প্রশ্নান

কর্গ । স্মৃতপুত্র—স্মৃতপুত্র বলে কি আমি ঐ কুকুরের
চেয়েও হীন ! হীনবংশে যার জন্ম, সে কি মানুষ নয় ? তার
কি প্রাণ নেই ? শক্তি নেই ? আকাশে ঐ দীপ্ত সূর্য্য তার
যে উজ্জ্বল কিরণে পৃথিবীর সকল প্রাণী, সকল পদার্থকে রূপে
রসে সঞ্জীবিত করছে, তার সে সঞ্জীবনী শক্তির কণামাত্রও কি
আর সবাইয়ের মতো আমাকেও এসে অভিনন্দিত করেনি ?
ব্রহ্মাণ্ডে যিনি সকলের চেয়ে বড়, তিনিই যখন আমাকে তাঁর
জ্যোতিঃশিখার স্পর্শদানে ধন্য করছেন, তখন আমি কার কাছে
অস্পৃশ্য ? না—না দিবাকর, অস্তাচলপথে অগ্রসর হ'তে হ'তে
আমার পানে চেয়ে গ্লানহাসি হাসলেই শুধু হবে না—আমি
তোমার নির্দেশ চাই । জানি না কি গুঢ় কারণে গৈশব হ'তে
তোমার প্রতি আমার আন্তরিক আকর্ষণ ! বাল্যকালে রৌদ্রের
তাপে খেলতে খেলতে তোমার কিরণস্পর্শ-মধ্যে আমি যেন কার
স্নেহস্পর্শ অনুভব করেছি—তোমারই প্রখরোজ্জ্বল কিরণ হ'তে
শক্তি-সঞ্চয় করে যেন আমি বড় হ'য়ে উঠেছি—তুমি যেন
আমার বিস্মৃত অতীতের বান্ধব ! আমি স্পৃশ্য কি অস্পৃশ্য—
হে আমার চিরজীবনের আরাধ্য ! সে সমস্যা সমাধানের ভার
আমি তোমার উপরেই অর্পণ করলাম । তুমি যদি আমাকে
লোক-সমাজে বেঁচে থাকবার ভরসা দাও, তবেই আমি বাঁচবো ।

কর্ণার্জুন

নইলে—নইলে ঐ জাহ্নবী-সলিলে আজই আমার ঘৃণ্য পরিত্যক্ত
জীবনের অবসান হোক ।

[বলিতে বলিতে কর্ণ গিয়া নদীর জলে নামিলেন । সূর্যের মধ্য
হইতে দিব্যমূর্তির আবির্ভাব হইল এবং তাহারই
মুখনিঃসৃত ভবিষ্যদ্বাণী শোনা গেল]

(বাণী) বৎস কর্ণ ! তোমার জীবন অমূল্য—স্বেচ্ছায় তা
জাহ্নবী-জলে বিসর্জন দিও না । আমার ভবিষ্যদ্বাণী শোন—
একদিন তুমি মনুষ্য-মধ্যে প্রধান বলে সম্মান লাভ করবে,
তোমার খ্যাতি আমারই মধ্যাহ্ন-বিকাশের মতো প্রথর হবে—
উজ্জ্বল হবে । অপরের ঘৃণায় গ্লানিবোধ কোরো না, একদিন
তুমি হবে শ্রেষ্ঠতম মানবেরও ঈর্ষ্যার পাত্র । নিজের পায়ে
নিজে দাঁড়িয়ে—নিজের বাহুবলের উপর মাত্র নির্ভরশীল হয়ে
সেই অনাগত শুভদিনের জন্ম প্রতীক্ষা কর ।

কর্ণ । [সূর্য্যদেবের উদ্দেশে প্রণাম করিয়া]

জবাকুসুমসঙ্কাশং কাশ্যপেয়ং মহাদ্ভ্যুতিং ।

ধ্বাস্তারিং সর্বপাপঘ্নং প্রণতোহস্মি দিবাকরম্ ॥

দ্বিতীয় দৃশ্য

[পুষ্করতীরে শিলাসনে উপবিষ্ট কর্ণ । তাঁহার আনুদেশে
মাধা রাখিয়া নিদ্রিত ভার্গব]

কর্ণ । নিদ্রা যাও—নিদ্রা যাও গুরু—পরম নিশ্চিত্ততায়
নিদ্রা যাও । একবিংশতিবার ক্ষত্রকুলোচ্ছেদ করেও অক্লান্ত,

কর্নার্জুন

বিশ্বের শ্রেষ্ঠ ধর্মীর ভার্গব ! এই নিদ্রা তোমার সকল ক্লাস্তি
হরণ করুক । তুমি মহান, তাই আমায় আশ্রয় দিয়েছো—
আমাকে সকল অস্ত্রে শিক্ষিত করেছো—মানুষের মধ্যে মাথা
তুলে দাঁড়াবার যোগ্যতা দিয়েছো—তোমায় প্রণাম ! শতকোটি
প্রণাম ? (কিছুক্ষণ পরে) উঃ—উঃ ! কীট আমার জানুদেশে
দংশন করলো ! উঃ ! কীট ! তুমি ভাগ্যবান, তাই গুরুদেব এই
জানুরই উপরে মাথা রেখে শুয়ে আছেন । নইলে এই দণ্ডে
আমি তোমায় বধ কর্তাম । উঃ—উঃ ! কীটদংশনের জ্বালা
ক্রমেই যে অসহ্য হয়ে উঠছে ! তবে কি গুরুদেবের নিদ্রাভঙ্গ
করে কীটের বিনাশ করবো ? না, কখনও তা করবো না । তুচ্ছ
কীটদংশনের জ্বালায় গুরুদেবের বিশ্রামে ব্যাঘাত করবো না ।
কিন্তু উঃ ! অসহ্য ! অসহ্য ! গুরুদেব আগে জেগে উঠুন,
তারপর রে কীট ! তোর.....

[ভার্গব জাগরিত হইয়া উঠিয়া বসিলেন]

ভার্গব । আমার কেশ এত সিক্ত হ'ল কিसे বৎস ? এ
কি ! রক্ত ! রক্ত এল কোথা হ'তে ? তুমিও নীরব—মুখে
তোমার বেদনার চিহ্ন ! তাইতো ! তোমারও জানুতে রক্ত
দেখছি ! এসব কি বৎস ?

কর্ণ । গুরুদেব ! এই কীট আমার জানুর নিম্নে দংশন
করছিল । জানু ছিন্ন করে উপরে উঠে সে পালিয়ে গেল !
তাইতেই বুঝি ঐ রক্ত আমার জানু হ'তে নির্গত হয়েছে !

ভার্গব । কীট তোমার জানুর একপ্রান্ত হ'তে অপর প্রান্ত

কর্ণার্জুন

ভেদ করে চলে গেল—তবুও তুমি তার সংহার বা বিতাড়নের চেষ্টা করলে না—নীরবে মৃত্যুতুল্য যন্ত্রণা সহ্য করলে। এ যে আমার কাছে অদ্ভুত ঠেকেছে!

কর্ণ। আপনার নিজার ব্যাঘাত হবে বলেই আমি দারুণ যন্ত্রণা সহ্য করেছি গুরুদেব!

ভার্গব। হুঁ (ভাবিয়া) কর্ণ, তুমি ক্ষত্রিয়?

কর্ণ। অস্ত্রশিক্ষায় আমার মেধা দর্শনে আপনি তো একাধিকবার বলেছেন গুরুদেব, আমি ক্ষত্রিয়শ্রেষ্ঠ।

ভার্গব। কস্মে তুমি ক্ষত্রিয়—কিন্তু স্বভাবে তা নও। কীট-দংশনের দারুণ জ্বালা নীরবে সহ্য করে সহনশীলতার যে পরিচয় দিলে আজ, অসহিষ্ণু প্রতিহিংসা-পরায়ণ ক্ষত্রিয়জাতির তা স্বভাব-বিরোধী। তাইতো তোমার বংশ-পরিচয় জিজ্ঞাসা করছিলাম। বল বৎস—

কর্ণ। (ভার্গবের পা ছুঁইয়া) আমি ভার্গব পরশুরামের শিষ্য—এর চেয়ে বড় পরিচয় আমার নাই গুরুদেব।

ভার্গব। আমি তা শুনতে চাই না। আমি শুদ্ধ শুনতে চাই তোমার বংশ-পরিচয়। বল, তুমি ক্ষত্রিয়?

কর্ণ। না।

ভার্গব। না?

কর্ণ। না, আপনার কথা মিথ্যা হ'তে পারে না, আমি কস্ম-ক্ষত্রিয়—জন্ম-ক্ষত্রিয় নই।

ভার্গব। তবে কি তুমি শূদ্র?

কর্ণার্জুন

কর্ণ । অধিরথ সূতের গৃহে আমি পালিত—নাম-গোত্রহীন ।
হয়তো আমি সূতপুত্র—হয়তো আমি ক্ষত্রিয় । কিন্তু আমার
পরিচয় শুধু এই বাহু-যুগল ।

ভার্গব । ভণ্ড ! প্রতারক ! মিথ্যা পরিচয়ে আমাকে
প্রবঞ্চিত করে ধনুর্বিদ্যা আয়ত্ত্ব করেছিস্ ! আমার অভিশাপে
সঙ্কটকালে তুই শ্রেষ্ঠ অস্ত্রসমূহের ব্যবহার বিস্মৃত হবি ।

[ভার্গবের প্রশ্ন]

কর্ণ । সঙ্কটকালে—সঙ্কটকালে আমি শ্রেষ্ঠ অস্ত্রসমূহের
ব্যবহার ভুলে যাব ! কিন্তু তার পূর্বে হে ভার্গব ! হে আমার
পূজ্যপাদ শিক্ষাদাতা ! পূর্বেই তোমার প্রদত্ত শিক্ষার বলে
আমি সকল সঙ্কটের সম্ভাবনা দূর করবো ! তোমার অভিশাপের
চেয়ে তোমার বর যে অনেকগুণ মহান্ ।

[কিছুকাল হাঁটিয়া বেড়াইয়া]

না—না ভার্গব ! তোমার অভিশাপের বেদনা আমার বুকে
বিধছে না তো ! তার পরিবর্তে বরং এক উল্লাসের হর্ষ-কল্লোলই
এ বুক ছাপিয়ে উঠছে । অবজ্ঞাত কর্ণ—যাঁর কৃপায় আজ শ্রেষ্ঠ
ধনুর্ধর, সেই মহামতি ভার্গব ! তোমার উদ্দেশে আমার শতকোটি
প্রণাম ! (থামিয়া) সরোবরের অপর তীর হ'তে কিসের শব্দ
হচ্ছে না ? নিশ্চয়ই কোন হিংস্র জন্তু এসে সরোবরের জল পান
করছে । জীবিতের উদ্দেশে আমার প্রথম অস্ত্র-প্রয়োগ হোক এই
শব্দভেদী বাণ আর এই বাণই করুক ঐ হিংস্র পশুর প্রাণবধ—

[কর্ণ তীর ছুঁড়িলেন]

কর্গাজ্জুন

[নেপথ্যে জনৈক তাপস] কে ? কে ছুরাআ ?

[তাপসের প্রবেশ]

তাপস । তুই ? তুই ? তুই শব্দভেদী বাণ নিক্ষেপ করেছিস্ ?

কর্গ । হাঁ ব্রাহ্মণ, আমি । কিন্তু কি হয়েছে তাতে ?

তাপস । তোর সে বাণ আমার মাতৃসমা গাভীর প্রাণ সংহার করেছে । সরোবরে জল পান করতে গিয়ে মা আমার তোর শরাঘাতে জর্জরিতা হয়ে...ছুরাআ গোহস্তা !

কর্গ । অভিশাপ দাও—আমায় অভিশাপ দাও তাপস ! স্বর্গ হ'তেও পবিত্রা মাতৃসমা গাভী আমারই নিক্ষিপ্ত তীরে নিহত—সত্যই আমি তোমার অভিশাপযোগ্য । তপঃশক্তির বহ্নিশিখা কিছুমাত্রও যদি তোমার মধ্যে থাকে ব্রাহ্মণ, তাহ'লে তুমি সে শিখায় আমাকে দগ্ধ কর.....

তাপস । ছুরাআ ! তোকে আমি এই অভিশাপ দিলাম—যেন যুদ্ধকালে পৃথিবী তোর রথচক্র গ্রাস করে ।

কর্গ । ওঃ ! না, বৃথা অনুশোচনা করবো না । স্বকৃত পাপের ফল ভুগতেই হবে—এ যে আমার ললাটলিপি । কিন্তু শুধু কি বসে বসে অদৃষ্টকে ধিক্কার দেব ? বীর আমি—বীরভোগ্যা বসুকরাকে নিজের বাহুবলে ভোগ করবো না ? পিতা অধিরথ ! এখান হ'তেই তুমি আমার প্রণাম গ্রহণ কর । ভার্গবদত্ত তীরপূর্ণ ভূণ আর এই ধনুক নিয়ে আমি যাচ্ছি ভাগ্যাশেষণে, হয়তো বা পৃথিবীর অপর প্রান্তে—হয়তো

কর্গাজ্জুন

তোমার সাথে আমার সাক্ষাৎ হবে না । বিদায়—হে আমার স্নেহময় প্রতিপালক ! বিদায় !

তৃতীয় দৃশ্য

[হস্তিনাপুরীর প্রান্তস্থিত প্রান্তর । অদূরে দর্শকের আসনে রাজা ধৃতরাষ্ট্র, সঞ্জয়, কৃপাচার্য্য, ভীষ্ম প্রভৃতি এবং সম্মুখে যুধিষ্ঠিরাদি পঞ্চভ্রাতা ও দুর্ঘ্যোধনাদি শতভ্রাতা সহ দ্রোণাচার্য্য]

দ্রোণ । কৌরবকুমারগণ ! এইবারে তোমাদের অস্ত্র-পরীক্ষা হবে । এতদিন আমি সময়ে যে অস্ত্র-কৌশল তোমাদের শিক্ষা দিয়েছি, আজ তার পরীক্ষা । ভারতের শ্রেষ্ঠ রাজবংশের ভাগ্যবান্ বংশধরগণ ! আজিকার এ পরীক্ষায় যদি উত্তীর্ণ হ'তে পার, তাহ'লে বুঝবো—পূর্বপুরুষগণের অর্জিত কীর্ত্তিরাশি তোমাদের কার্য্যদ্বারা ক্ষুণ্ণ হবে না । বল, তোমরা প্রস্তুত ?

কুমারগণ । আমরা প্রস্তুত গুরুদেব !

দুর্ঘ্যোধন । আগে কিসের পরীক্ষা হবে গুরুদেব ? তীরের, অসির, না গদার ?

দ্রোণ । তীরের ।

দুর্ঘ্যোধন । এ পক্ষপাতিত্ব । আগে গদার পরীক্ষা হোক—

দ্রোণ । অশিষ্ট রাজকুমার দুর্ঘ্যোধন, গুরু দ্রোণে পক্ষপাতিত্ব-দোষ আরোপ করে ক্ষত্রিয়-বিরোধী হেয়-মনোবৃত্তির পরিচয় দিও না । গদা ও অসিযুদ্ধ মল্লযুদ্ধেরই প্রকারান্তর, বর্শাও সম্মুখ-যুদ্ধেই ব্যবহৃত । একাঙ্গি ও শতান্গি তীরই শুধু দূরবর্তী শত্রুকে

কর্ণাজ্জুন

পরাজিত করতে সক্ষম—তাই তীর-ধনুকই শ্রেষ্ঠ অস্ত্র। শ্রেষ্ঠ যোদ্ধা সে-ই, তীর-ধনুক যার আয়ত্ত। তাই তার পরীক্ষা হবে সর্ব্বাঙ্গে। অগ্রসর হও যুধিষ্ঠির! ঐ যে দূরে গাছটি দেখতে পাচ্ছ, ওর সর্ব্বোচ্চ শাখায় একটি পাখী বসে আছে—নীল পাখী! তীর দিয়ে ঐ পাখীর কণ্ঠ বিদ্ধ করতে হবে! তীর নাও যুধিষ্ঠির। দাঁড়াও, কি দেখছেন?

যুধিষ্ঠির। দেখছি ছবির মত ঐ গাছটি, সবুজ তার পাতাগুলি আর লাল তার ফুল। তারি ছোট শাখাটিতে বসে নীল পাখীটি—কি দোলই খাচ্ছে! ছুঁড়ি তীর?

দ্রোণ। না না, তীর রাখ যুধিষ্ঠির, ও পাখী তীরবিদ্ধ করা তোমার কাজ নয়। দুর্ঘ্যোধন—

দুর্ঘ্যোধন। আমি ঐ পাখীর গায়ে তীর ছুঁড়বো? যুধিষ্ঠিরের মতো দুর্ব্বল নয় আমার চিত্ত—যে একটা পাখীকে তীর বিধতে হাজার চিন্তা এসে মনে উপস্থিত হবে—পাখীর গায়ে আঘাত লাগবে বলে বুকে কাঁপুনি ধরবে। ছুঁড়বো তীর?

দ্রোণ। তীর তো ছুঁড়বে, কিন্তু কার গায়ে ছুঁড়বে দেখছেন তো?

দুর্ঘ্যোধন। তা আর দেখছি না? পাখী তো পাখী, ঐ গাছ, গাছের পেছনে মাঠ, মাঠের পেছনে সাদা সাদা লঘু মেঘে ঢাকা আকাশ পর্য্যন্ত দেখছি।

দ্রোণ। তবেই তো লক্ষ্য ভেদ করে বসে আছ! তীর ছেড়ে আসনে গিয়ে বস কুমার, তীর-ধনুক ধরা তোমার কৰ্ম্ম নয়।

কর্ণার্জুন

দুর্যোধন । আমাকে এরূপ অপদস্থ করা হবে, এ আমি
আগেই জান্তাম । এ অশ্রায়—এ ষড়যন্ত্র ।
দ্রোণ । ভীম !

[ভীম উঠিয়া আসিলেন]

কি দেখ্‌ছো ভীম ?

ভীম । পাখী ! পাখী ! সবুজ তার ডানা ছুঁটি, লাল
তার চঞ্চু আর নীল তার কণ্ঠ আর পুচ্ছ । ছুঁড়বো তীর
গুরুদেব ?

দ্রোণ । না । ও পাখী শিকার করা তোমারও সাথে
কুলোবে না । অর্জুন !—

অর্জুন । গুরুদেব !

দ্রোণ ! তুমি প্রস্তুত ?

অর্জুন । না গুরুদেব, আমি প্রস্তুত নই ।

[অগ্রসর হইয়া দ্রোণাচার্য্যকে প্রণাম করিয়া]

এইবারে আমি প্রস্তুত গুরুদেব !

দ্রোণ । লক্ষ্যের প্রতি তোমার দৃষ্টি নিবদ্ধ আছে তো
অর্জুন ?

অর্জুন । আছে গুরুদেব, ঐ পাখী—না না, পাখীও নয়—
পাখীও নয়—শুধু তার নীল কণ্ঠ...

দ্রোণ । ছাড় তীর—

[সঙ্গে সঙ্গে অর্জুন তীর নিক্ষেপ করিলেন ; তীর গিয়া পাখীর
কণ্ঠে বিদ্ধ হইল । অর্জুন নিজে গিয়া ভূপতিত পাখী
কুড়াইয়া আনিয়া দ্রোণাচার্য্যের পায়ের
কাছে রাখিলেন]

কর্গাজ্জুন

দ্রোণ । বৎস অর্জুন, তুমিই যোদ্ধাগণ-মধ্যে সর্বশ্রেষ্ঠ—

[কর্ণের প্রবেশ]

কর্ণ । মিথ্যা কথা বলে রসনা কলঙ্কিত কোরো না দ্রোণ, সর্বশ্রেষ্ঠ নয়, যোদ্ধাগণের মধ্যে অন্যতম শ্রেষ্ঠ তোমার অর্জুন ।

দ্রোণ । মিথ্যা কথা । অর্জুন অন্যতম নয়, অনন্য ।

কর্ণ । না, অন্যতম । অন্ততঃ কর্ণ জীবিত থাকতে ।

অর্জুন । কে তুমি স্পর্ধী ?

দ্রোণ । কে তুমি উদ্ধত যুবক ? কোথায় দাঁড়িয়ে কথা বলছেন জানো ?

কর্ণ । জানি, কুরু-কুমারগণের অস্ত্র-পরীক্ষা-প্রাক্শেপে । যদিও এ জানতুম না যে, পরীক্ষা দ্বারা শ্রেষ্ঠ প্রতিপন্ন না হ'তেই শ্রেষ্ঠত্বের আরোপ করার মিথ্যাচারে এ স্থান কলঙ্কিত ।

দ্রোণ । স্পর্ধিত যুবক, তোমার এ অভিযোগের প্রমাণ ?

কর্ণ । প্রমাণ আমি আর আমার বাছ । এই পরীক্ষা-প্রাক্শেপে আমারও শস্ত্রবিদ্যার পরীক্ষা গ্রহণ করা হোক । পরীক্ষায় আমি পরাভূত হই, অর্জুনের শ্রেষ্ঠত্ব মেনে নেবো—অর্জুন পরাজিত হয় তো আমার শ্রেষ্ঠত্ব স্বীকার করবে । বল অর্জুন, তুমি সম্মত ?

অর্জুন । সম্মত—আমি সম্মত । আত্মশক্তিতে আমি বিশ্বাসী, প্রতিযোগিতায় পশ্চাৎপদ নই । কিন্তু—কিন্তু অজ্ঞাত-কুলশীল যুবক, ভারতের শ্রেষ্ঠ রাজবংশের কুমার আমি—

কর্গাজ্জুন

আমার সঙ্গে প্রতিযোগিতায় অগ্রসর হও, কি তোমার পরিচয় ?

কর্গ। (ঈষৎ ভাবিয়া লইয়া) আমি ধানুকী, আমি শস্ত্রপাণি—এই আমার পরিচয়।

অর্জুন। শুধু এই ?

কর্গ। হাঁ এই। আর এর চেয়ে শ্রেষ্ঠ পরিচয় বুঝি হয় না, হ'তে পারে না। অস্ত্রবিদ্যা আমার আয়ত্ত—শক্তিধর আমার বাহু। এই পরিচয়ে—এই সম্পদে আমি পৃথিবী জয় করে আসতে পারি।

অর্জুন। যেদিন পৃথিবী জয় করে ফিরে আসবে, সেদিন না হয় তোমায় প্রতিযোগী বলে মান্য করব। কিন্তু বংশ-পরিচয়-হীন রবাহুত ! আজ তোমার কোন মর্যাদাই আমি স্বীকার করতে পারি না। তুমি যাও—ক্ষত্রকুমারগণের পরীক্ষা-প্রাক্ষণ হ'তে সত্বর প্রস্থান কর। তোমার পাদম্পর্শে এ প্রাক্ষণ অপবিত্র হয়েছে—গঙ্গা-জলে একে পবিত্র করে নিয়ে তবে আবার আমরা অস্ত্র-কৌশল প্রদর্শনে ব্যাপ্ত হব।

কর্গ। এত ঘৃণা ! (আপনাকে সংযত করিয়া লইয়া) বেশ—প্রতিযোগিতা প্রত্যাখ্যান কর, কিন্তু প্রতিদ্বন্দ্বিতা ? আমি যদি তোমাকে দ্বন্দ্বযুদ্ধে আহ্বান করি, তাহ'লে ? তাহ'লেও কি তুমি নিশ্চেষ্টে দাঁড়িয়ে আমার অস্ত্রের আঘাতে মৃত্যুবরণ করবে—প্রতিবাদে ঐ গাণ্ডীবে শর-সন্ধান করবে না ?

অর্জুন। না।

কর্গার্জুন

কর্গ। তবে মরবে ? (শরসন্ধান করিলেন) ।

অর্জুন । তাও নয় অর্বাচীন, ক্ষত্রিয়কুমার যোগ্য প্রতিদ্বন্দ্বীর সহিত যুদ্ধে প্রাণ দেয়, কিন্তু হিংস্র বাঘ-ভালুককে বর্শার মুখেই শিক্ষা দেয় ।

কর্গ। হাঃ হাঃ হাঃ হাঃ (অট্টহাস্য) ।

অর্জুন । হাসছো যে ?

কর্গ। বর্শা দিয়ে কি প্রতিরোধ করবে ? নাগপাশ ?

অর্জুন । নাগপাশ ! (চরম বিস্ময়ে) পাশুপতও তোমার আয়ত্ত ?

কর্গ। অমর্থ, সমর্থ, কৌশিক, ব্রহ্মজাল, বাড়ব আর কি অস্ত্রের পরিচয় চাও অর্জুন ?

দুর্যোধন । এ সব অস্ত্র তোমার আয়ত্ত ভাই ?

কর্গ। হাঁ কুমার—সকল রকম অস্ত্রই আমার আয়ত্ত ।
(অর্জুনকে) কি অস্ত্রের পরিচয় চাও ফাল্গুনি—ব্রহ্মাস্ত্র ?

দ্রোণ । ব্রহ্মাস্ত্র ! তোমার অস্ত্রগুরু কি তবে—তবে—

কর্গ। বলতে বলতে থামলে কেন দ্রোণাচার্য্য ? নামটা উচ্চারণ করতে মুখে বাধছে ? আচার্য্যের অনুমান যথার্থ—এই কৌরবকুমারগণের অস্ত্রশিক্ষাদাতা গুরু দ্রোণ আর আমি একই গুরুর নিকটে অস্ত্রবিদ্যা শিক্ষা করেছি—আমার গুরু ভার্গব—শূরশ্রেষ্ঠ পরশুরাম ।

অর্জুন । তাহ'লে এতক্ষণ আমাদের প্রতারণা করছিলে কেন বীর ? তুমি নিশ্চয়ই বংশ-পরিচয়হীন নও—তোমাকে

কর্নাৰ্জুন

ব্রাহ্মণ অথবা ক্ষত্রিয়-নন্দন না জেনে কিছুতেই আচার্য্য ভৃগুরাম
অস্ত্রশিক্ষা দেন নি ।

কর্ণ । মিথ্যা বলবো না, তাই দিয়েছেন ! আচার্য্যের
সকাশে আত্মপরিচয় গোপন করেই আমি অস্ত্রশিক্ষালাভ
করেছিলাম ।

অৰ্জুন । আচার্য্য ভার্গবকে প্রতারণিত করে আমাদেরও
গৌরবহানি করতে এসেছো প্রতারক ! তুমি যতই বীর হও,
যত অস্ত্রই তোমার আয়ত্ত হোক—ক্ষত্রিয়কুমার কখনও তোমাকে
সংগ্রামক্ষেত্রে প্রতিদ্বন্দ্বী বলে স্বীকার করতে পারবে না ।

কর্ণ । কখনো না ?

অৰ্জুন । না, কখনো না । ক্ষত্রিয়কুমারের প্রতিদ্বন্দ্বী হয়
ক্ষত্রিয়, না হয় রাজা বা রাজপুত্র ।

দুর্যোধন । তাই যদি হয়, তা'হলে গর্বিত অৰ্জুন, তুমি
কিছুতেই এই মহাবীরকে অবজ্ঞা করতে পার না । (কর্ণকে)
বন্ধু ! আমার মাথার এই মুকুট তোমার মাথায় পরিয়ে দিয়ে
এই মুহূর্তে তোমাকে অঙ্গরাজ্যের রাজপদে অভিষিক্ত করছি ।
জানি না তোমার উদ্ধতন বংশের কি পরিচয়—কিন্তু অধস্তন
বংশ তোমার অঙ্গরাজবংশ বলেই পরিচিত হবে । (অৰ্জুনকে)
কি অৰ্জুন ! অঙ্গরাজ কর্ণের সঙ্গে সংগ্রামও তুমি অবাঞ্ছনীয়
বলে মনে কর নাকি ? না ভয় পেয়ে গেলে ?

অৰ্জুন । গাণ্ডীবী কখনো ভয় পায় না । আমি প্রস্তুত—

কর্ণ । আমিও প্রস্তুত ।

কর্গার্জুন

দুর্যোধন । অতো তাড়াতাড়ি নয়—যুদ্ধটা আপাততঃ
ভবিষ্যতের জন্ত রেখে দাও । অদূর ভবিষ্যতে কৌরব ও
পাণ্ডবগণের মধ্যে যে অপরিহার্য সংগ্রাম আরম্ভ হবে, সেই
সংগ্রামে কৌরববাহিনীর নায়কত্ব গ্রহণ করে তুমি তোমার
স্বোপার্জিত বীরত্বের পরিচয় প্রদান কোরো বন্ধু!

কর্গ । বন্ধু ! বন্ধু !

(দুইজনে আলিঙ্গনাবদ্ধ হইলেন)

দ্বিতীয় অঙ্ক

প্রথম দৃশ্য

[প্রান্তরে এক উদাসী গান গাহিয়া বেড়াইতেছে]

গান

আপন পথে চল্ ভোলা মন
আপন পথে চল্
মিথ্যা কেন মরিস্ ভেবে,
মিথ্যা চোখে জল ।
একলা এলি এই ধরাতে
কেউ যাবে না তোমার সাথে,
দুর্যোগেরই দারুণ রাতে
কাদিস্ন কেবল ?
নিজের পথে এগিয়ে যারে—
ভাবিস্ কেন বারে বারে,
এই দুনিয়ায় ভয় কাহারে
(যখন) শ্রীহরি সখল ।

দ্বিতীয় দৃশ্য

[বারণাবতের ভস্মীভূত জতুগৃহে যুধিষ্ঠিরাদি পঞ্চভ্রাতা]

যুধিষ্ঠির । দেখ—দেখ ভাই, আমাদের প্রাণরক্ষা হ'লেও পঞ্চনিষাদ জতুগৃহের অগ্নিতে ভস্মীভূত হয়েছে !

ভীম । তার সাথে এই দেখ দুর্ঘোষনের অনুচর পাপিষ্ঠ পুরোচনও পুড়ে মরেছে ।

যুধিষ্ঠির । পুরোচন দুরাশ্রা দুর্ঘোষনের আদেশে আমাদের পুড়িয়ে মারতে এসেছিল, নিজের পাপে নিজে মরেছে—তার জন্তে দুঃখ নেই । কিন্তু এই পঞ্চনিষাদ ! আহা নিরীহ বেচারারা । এদের হত্যাজনিত পাপ কি আমাদের স্পর্শ করবে না ?

অর্জুন । কেন করবে দাদা, ব্রাহ্মণ-ভোজনের পর যখন আমরা কাঙালী ভোজন করাই, এরা সে কাঙালীর দলে ছিল বটে ; কিন্তু ভোজনশেষে আর সবাই যখন চলে গেল, আমরা ভেবেছিলাম এরাও চলে গেছে । কে গেল আর কে রইলো, তার খোঁজ নেবার অবসর আমাদের ছিল না । এদের বধে আমাদের পাপ হবে কেন ? (ভীমকে) কি মধ্যমাগ্রজ ? ক্রোধে ক্রমেই ফুলে উঠছেন যে ? হিড়িম্ব রাক্ষসকে বধ করে আবার নূতন কোন রাক্ষস সংহারে মনোনিবেশ করবার বাসনা উপস্থিত বুঝি ? মার্ত্তেভঃ । বৃকোদর—মার্ত্তেভঃ ! যৌবরাজ্যে অভিষিক্ত হ'তে হ'তে

কর্ণাজ্জুন

ধাৰ্মিকশ্ৰেষ্ঠ যুধিষ্ঠিরকে যখন ভাতৃৱত্নদের নিয়ে কাম্যকবনে এসে পুরোচনের কবলে পড়ে জতুগৃহ হ'তে সুড়ঙ্গ-পথে সোজা হিড়িম্ব রাক্ষসের বনরাজ্যে প্রবেশ করতে হয়েছে, তখন বনবাসেরও আর অভাব হবে না—রাক্ষসেরও অপ্রতুল হবে না। শুধু একটি হিড়িম্ব কেন, আরও অনেক রাক্ষস ঐ বুকোদরে ঠাঁই পেতে পারবে।

ভাম। আমি ভাবছি, ছুরাঝা দুৰ্য্যোধনের কথা। আমার ইচ্ছা হচ্ছে এখনি হস্তিনায় ফিরে যাই—নরাধমকে তার যোগ্য শাস্তি দেই।

যুধিষ্ঠির। না ভাই এখনি হস্তিনায় নয়। বনবাস আমাদের ললাটলিপি—আরো কিছুকাল বনে বনে ঘুরে শক্তিসঞ্চয় করে তবে আমরা হস্তিনায় ফিরবো। আজ হস্তিনায় বাস আর সমর্প পুরীতে বাস আমাদের পক্ষে একই কথা। জতুগৃহ আমাদের শুধু এই বারণাবতেই নয়, সমগ্র হস্তিনানগরী পাণ্ডবের কাছে আজ জতুগৃহ।

অর্জুন। হাঁ—হস্তিনায় ফিরবো আমরা সেদিন—যেদিন শক্তি হবে আমাদের দুর্কর্ষ, সামর্থ্য হবে আমাদের অপরিমেয়।

নেপথ্যে ব্রাহ্মণ। রক্ষা কর, রক্ষা কর, কে আছে, রক্ষা কর—

অর্জুন। কে ওখানে আর্তনাদ করছে—এদিকে এস। যে বিপদেই পড়ে থাক তুমি, আমরা তোমায় উদ্ধার করবো। এস বিপন্ন, এস আর্ত, এদিকে এস—

কর্গাজ্জুন

(শশব্যস্তে ব্রাহ্মণের প্রবেশ)

ব্রাহ্মণ । কে তোমরা দেবতা, আমার পুত্রের প্রাণরক্ষার
জন্য অবতীর্ণ হয়েছো ! রক্ষা কর—আমার পুত্রের প্রাণরক্ষা কর ।

যুধিষ্ঠির । ব্রাহ্মণ ! যদি কোন শত্রু কর্তৃক আপনি
আক্রান্ত হ'য়ে থাকেন, তাহ'লে আমাদের কাছে এসে একবার
যখন পড়েছেন, তখন আর ভয় নেই, কোন ভয় নেই ।

ব্রাহ্মণ । শুনুন মহাশয়, আমার বিপদের কাহিনী । বৎসর-
খানেক পূর্বে 'বক' নামক এক রাক্ষস এসে এই নগরে বাসা
বেঁধেছে । প্রথমে সে নগরবাসীদের উপরে ভীষণ অত্যাচার করে ।
তার আক্রমণে গ্রামের অধিবাসীরা বিপন্ন হ'য়ে পড়ে—প্রতি
রাত্রে শতাধিক লোক ছুরাঙ্গার জঠরাগ্নিতে আছতি প্রদান করে ।
শেষে নগরবাসীরা রাক্ষসের সঙ্গে এই ব্যবস্থা করে যে, প্রতিদিন
একজন মানুষ আর দুইটি মহিষ তাকে খেতে দেওয়া হবে । আজ
আমার পুত্রের—চিরছুঃখী ব্রাহ্মণের একমাত্র পুত্রের পালা ।
সন্ধ্যা হ'তে না হ'তে পুত্রকে রাক্ষসের আবাসে পাঠাতে হবে—

যুধিষ্ঠির । এই যদি বিপদের কারণ হয়, তাহ'লে কোন ভয়
নেই ব্রাহ্মণ, আপনার পুত্রের পরিবর্তে আমিই আজ রাক্ষসের
ক্ষুন্নিবৃত্তির জন্য আত্মোৎসর্গ করবো ।

অর্জুন । পাণ্ডবের বংশভাগ্যধর ! তুমি কেন যাবে দাদা,
রাক্ষসের খাণ্ড যোগাবো আমি ।

নকুল । না—না, তোমরা নয়—আমায় ছেড়ে দাও ঐ
রাক্ষসের মুখে । তুচ্ছ জীবন কার উপকারে নিয়োজিত করতে

কর্গাজ্জুন

পারিনি, মৃত্যু দিয়ে যদি কারু হিতসাধন করতে পারি তো—সে আমার পরম সৌভাগ্য ।

সহদেব । আমি সর্বকনিষ্ঠ, প্রাণ দিতে হয়, আমিই দেবো ।

ভীম । বাঃ ! তোমরা সকলেই দেখছি আত্মদানের সুদীর্ঘ বক্রতা ঝেড়ে বসলে । কিন্তু কতটুকু মাংস আছে তোমাদের দেহে, আর সে মাংসে রাক্ষসের ক্ষুধার নিবৃত্তি হবে কি না, তা ভেবে দেখেছো ? তোমরা কেউ নয়, ‘বক’ রাক্ষসের কাছে যাবো আমি, আমার এই মাংসল বপুখানি দেখে রাক্ষসের জিভ দিয়ে যে কতখানি লালা ঝরে পড়বে, তা কল্পনা করেও যেন আমি উৎফুল্ল হয়ে উঠছি ! দ্বিরুক্তি কোরো না দাদা, এস ব্রাহ্মণ !

(ব্রাহ্মণকে লইয়া ভীমের প্রস্থান)

যুধিষ্ঠির । কি করলাম অর্জুন ! ভীমকে রাক্ষসের মুখে ঠেলে দিলাম !

অর্জুন । চিন্তা কোরো না দাদা, মৃত্যুঞ্জয়ী ভীম রাক্ষসের অন্ত্যেষ্টিক্রিয়া শেষ করে এখনই ফিরবে । ঐ শোন তোমার মহাবল ভাইএর হুঙ্কার—

নেপথ্যে ভীম । ছুরাআ রাক্ষস ! তোর সম্মুখে সাক্ষাৎ যম । সাধ্য থাকে যমের মাংসে ক্ষুধার নিবৃত্তি কর ।

[নেপথ্যে রাক্ষসের হুঙ্কার ও পতন-শব্দ । ভীমের প্রবেশ]

ভীম । দাদা !

যুধিষ্ঠির । ভাই ! ভাই !

—————

তৃতীয় দৃশ্য

[দ্রুপদ নগরে স্বয়ম্বর সভা । উপরে ঘূর্ণ্যমান চক্রের উদ্ভেদে
কাংশ মংশ ; নীচে স্বর্ণপাত্রে তাহাব ছায়া পড়িয়াছে ।

মধ্যস্থলে দ্রুপদ রাজার পুত্র ধৃষ্টদ্যুম্ন , একপাশে
দুর্যোধন, কৰ্ণ প্রমুখ বাজ্রশূর—
অন্যপাশে ব্রাহ্মণগণ , তাঁহাদের মধ্যে
ব্রাহ্মণবেশে পঞ্চপাণ্ডব]

ধৃষ্টদ্যুম্ন । সমবেত রাজশূরমণ্ডলী ! আপনারা উদ্ভেদে যে
ঘূর্ণ্যমান চক্র দেখছেন, ঐ চক্রের অন্তরালে একটি কাংশময়
মংশ আছে । নিম্নস্থ স্বর্ণপাত্রের জলে ঐ মংশের প্রতিবিম্ব
রয়েছে । প্রতিবিম্বের দিকে লক্ষ্য রেখে দৃষ্টির বিপরীত দিকে
তীর নিক্ষেপ কবে যে বীর মংশটি ভূপাতিত করতে পারবেন,
আমার ভগিনী দ্রুপদ-নন্দিনী কৃষ্ণাকে আমি তাঁরই করে অর্পণ
করবো ।

ব্রাহ্মণগণ । স্বস্তি ! স্বস্তি !

দুর্যোধন । সমবেত রাজশূরবর্গের মধ্যে আমার আসন
সকলের ওপরে । সুতরাং লক্ষ্যভেদে আমি সর্বাগ্রে অগ্রসর
হব । এতে আপনাদের কারু আপত্তি আছে ?

ভীম । (যুধিষ্ঠিরকে) দাদা, তুমি অনুমতি দাও, এই
স্বয়ম্বর সভাস্থলেই আমি দুরাত্মা দুর্যোধনকে শাস্তি দেই—

যুধিষ্ঠির । (ভীমকে) ধৈর্য—ভাই, ধৈর্য !

দুর্যোধন । নিশ্চয়ই কারু আপত্তি নাই । তাহলে আমি
লক্ষ্যভেদে অগ্রসর হই ? দ্রুপদ রাজকুমার, তুমি তোমার

কর্ণার্জুন

ভগ্নীকে পুষ্পমালা নিয়ে প্রস্তুত থাকতে বল, ভারতের শ্রেষ্ঠ রাজবংশের অবিসম্বাদী উত্তরাধিকারী মহাবীর দুর্যোধন আমি লক্ষ্যভেদ করছি—

[ভীম আর একবার চঞ্চল হইয়া উঠিলে যুধিষ্ঠির তাঁহাকে থামাইলেন । ওদিকে বলিতে বলিতেই দুর্যোধন তাঁর ছুঁড়িল ; তাহার তাঁর লক্ষ্যের কাছ দিয়াও গেল না]

ধৃষ্টদ্যুম্ন । আমার ভগিনী এখনও প্রস্তুত হ'তে পারেন নি, বীরবর দুর্যোধন । এবারে কে লক্ষ্যভেদে অগ্রসর হবেন ? চেদীরাজ শিশুপাল ! মগধরাজ জরাসন্ধ ! সিন্ধুরাজ জয়দ্রথ ! মদ্ররাজ শল্য ! প্রাগজ্যোতিষপুরাধিপ ভগদত্ত !

[ধৃষ্টদ্যুম্ন নাম ধরিয়া ডাকিবার সঙ্গে সঙ্গে একে একে রাজগণ উঠিতে ও লক্ষ্যভেদে অসাফল্যের পরিচয় দিয়া অবনত মস্তকে বসিতে লাগিলেন]

ধৃষ্টদ্যুম্ন । রাজগণবৃন্দের বাহুতে কি বল নেই ? তাঁদের মধ্যে কি এমন একজনও নেই, যিনি লক্ষ্যভেদে সাফল্য অর্জন করে আমার ভগ্নীর পাণিগ্রহণ-যোগ্য বলে নিজেকে প্রতিপন্ন করতে পারেন ?

কর্ণ । আছে—অবশ্যই আছে ।

ধৃষ্টদ্যুম্ন । কে সেই মহাধনুর্ধর ?

কর্ণ । আমি—অঙ্গরাজ কর্ণ । লক্ষ্যভেদের উদ্দেশ্যে আমিই এই ধনুক ধারণ করলাম ।

ধৃষ্টদ্যুম্ন । ধনুক ধারণ পর্যন্ত । তার বেশী কিছু করবেন

কর্গাজ্জুন

না অঙ্গরাজ ! দ্বারকাধিপতি শ্রীকৃষ্ণ বাল্যে যেমন গোবর্দ্ধন ধারণ করেছিলেন, আপনিও তেমনি ধনুক ধারণ করে থাকুন ।

কর্গ । এ ব্যক্তোক্তির মর্ম কি দ্রুপদ-নন্দন ? আপনার কি ধারণা যে লক্ষ্যবিদ্ধ করতে আমি ঐ রাজগুবুন্দের মতোই অক্ষম হব ?

ধৃষ্টদ্যুম্ন । না, বরং আমার বিশ্বাস আছে, এ সভাস্থলে লক্ষ্যবিদ্ধ করতে আপনি একাই পারবেন । কিন্তু তথাপি—

কর্গ । তথাপি—? তথাপি কি কুমার ?

ধৃষ্টদ্যুম্ন । তথাপি আমি আপনাকে লক্ষ্যভেদ করতে নিষেধ করি । কারণ—লক্ষ্যভেদ আপনার পক্ষে অনাবশ্যক । আমার ভগিনী বংশ-পরিচয়হীনের স্বয়ম্বর হ'তে অসম্মতা ।

[গভীর নৈরাশ্যে ও দারুণ মনস্তাপে কর্গ বসিয়া
পড়িলেন । অগ্রসর হইলেন ব্রাহ্মণবেশী
অর্জুন]

দুর্যোধন । কে এ বাতুল ব্রাহ্মণ ? ভারতের শ্রেষ্ঠ রাজগণ যে কার্যে অক্ষম, কী স্পর্ধা এর সেই কার্যে অগ্রসর হয় ?

ধৃষ্টদ্যুম্ন । ক্ষমতা অক্ষমতার কথা কার্যের পরে, পূর্বে নয় ।

দুর্যোধন । কিন্তু এ ব্রাহ্মণ—

ধৃষ্টদ্যুম্ন । ক্ষত্রিয়কন্যা ব্রাহ্মণের বিবাহযোগ্যা । ব্রাহ্মণ, আপনি অগ্রসর হউন ।

[অর্জুন লক্ষ্যভেদ করিলেন । চারিদিকে অয়ধ্বনি পড়িল]

ধৃষ্টদ্যুম্ন । (নতজানু হইয়া) ব্রাহ্মণ !

অর্জুন । ব্রাহ্মণ নই, আমি পাণ্ডুবংশধর—আমি অর্জুন ।

[চারিদিকে অয়ধ্বনি । অয়—মহাবীর অর্জুনের অয় ॥]

তৃতীয় অঙ্ক

প্রথম দৃশ্য

[অঙ্গরাজ কর্ণের প্রাসাদ-সম্মুখ, কর্ণ ও ব্রাহ্মণ]

কর্ণ। বলুন ব্রাহ্মণ, কি আপনার প্রার্থনা।

ব্রাহ্মণ। একাদশী করেছি—পারণ করবো। রুচিকর খাদ্য
ভিন্ন আর কিছুই প্রার্থনা নাই মহারাজ!

কর্ণ। শুধু এই। অঙ্গ-রাজপ্রাসাদে সুখাচের অভাব নেই।
বলুন ব্রাহ্মণ, আপনার অভিরুচি অনুযায়ী খাচের বন্দোবস্ত করি।

ব্রাহ্মণ। বহুদিন মাংস ভক্ষণ করিনি—সাধ হয়েছে,
সুকোমল মাংস আশ্বাদনে রসনা পরিতৃপ্ত করবো।

কর্ণ। এই কথা! এই দণ্ডে আমি আপনার জন্ত
সুস্বাদু মাংসের ব্যবস্থা করছি। বলুন, কি মাংসে আপনার
অভিরুচি—ছাগ, মেষ, মৃগ—

ব্রাহ্মণ। ছাগমাংস, মৃগমাংস তো অতি সুলভ। তার
জন্ত মহারাজের শরণাপন্ন হব কেন? আমার অভিপ্রায়—

কর্ণ। কি আপনার অভিপ্রায়? বলুন—বলুন—

ব্রাহ্মণ। আশঙ্কা হয় মহারাজ আমার অভিপ্রায় সিদ্ধ
করতে পারবেন না—

কর্ণ। সে কি ব্রাহ্মণ? আপনি কি জানেন না যে অঙ্গরাজ
কর্ণের আতিথেয়তা পৃথিবীখ্যাত! কর্ণের দানশীলতা ভুবন-
বিশ্রুত! তবে কেন এমন কথা বলছেন?

কর্ণার্জুন

ব্রাহ্মণ । আর কিছুই জন্ম নয় মহারাজ, আমার ক্ষুধা কিছু
তীব্র—রসনার আশ্বাদন-বাসনাও কিছু উগ্র । ছাগমাংসে,
মেঘমাংসে আমার রুচি নেই মহারাজ, মৃগমাংসেও নয় । আমার
বাসনা নরমাংস ভক্ষণ—

কর্ণ । নরমাংস—নরমাংস আপনার কাম্য ! স্বীকার
করতেই হবে ব্রাহ্মণ, ভোজন-প্রণালী আপনার কিছু উদ্ভট ।
নইলে নরমাংস—

ব্রাহ্মণ । বুঝেছি দাতা-শ্রেষ্ঠ, আপনার গৃহে আমার আহাৰ্য্য
মিলবে না । আমি স্থানান্তরে যাই—

কর্ণ । কৃপা কর—কৃপা কর—ব্রাহ্মণ, প্রার্থিত বস্তুতে
বিমুখ হয়ে কর্ণের গৃহদ্বার পরিত্যাগ কোরো না—আমার অকলঙ্ক
নামে কলঙ্ক রটনা কোরো না । আমি তোমার প্রার্থনা পূর্ণ
করবো—নরমাংস ভক্ষণ করাবো—আমার এই বলিষ্ঠ দেহে
অনেক মাংস আছে, নরমাংসলোলুপ ব্রাহ্মণ ! আপনার সেবায়
আমি আমার এ দেহ উৎসর্গ করবো ।

ব্রাহ্মণ । হঁ । তুমি তো উৎসর্গ করবে তোমার ঐ দেহ ।
কিন্তু শুনি দানবীর, তোমার ঐ বলিষ্ঠ দেহে কি ভক্ষণযোগ্য
মাংস আছে ? না—আছে সেথায় অভক্ষ্য, অখাণ্ড লৌহপিণ্ড ?
আমি চাই শিশুমাংস ।

[কর্ণপুত্র বৃষকেতুর প্রবেশ]

বৃষকেতু । বাবা ! বাবা !

কর্ণ । কি বৃষকেতু !

কর্ণার্জুন

বৃষকেতু । মায়ের কোলে শুয়ে স্বপ্ন দেখেছিলাম ; সে বড়
ভীষণ স্বপ্ন ! স্বপ্ন কি কখনো সত্য হয় বাবা ?

কর্ণ । কখনো কখনো হয় বৈকি বৃষকেতু !

বৃষকেতু । স্বপ্নে দেখেছিলাম এক রাক্ষস এসেছে—এসে
আমায় খেতে চাইছে । মার কাছে গেলাম—মা আমায় রক্ষা
করতে পারলেন না ! তোমার কাছে এলাম—তুমিও যেন পারলে
না ! তারপর কি যে দেখলাম—কিছুই আর মনে নেই । শেষে
কি রাক্ষস তোমার কাছ থেকেই আমায় কেড়ে নিলে বাবা ?

কর্ণ । ব্রাহ্মণ !

ব্রাহ্মণ । রাজপুত্রের স্বপ্নই সত্য মহারাজ, আপনার এই
পুত্রটিই আমার প্রার্থিত মাংস যোগাতে পারবে । (দেখিয়া)
হাঁ, এই বটে । নবনীর মত কোমল এর দেহ, উত্তমরূপে রন্ধন
করলে সুখাঢ় হবে—

কর্ণ । ব্রাহ্মণ ! ব্রাহ্মণ ! তুমি কি রাক্ষস ? এই অবোধ
শিশুর দেহমাংসই কি তোমার কাম্য ?

ব্রাহ্মণ । কেন নয় মহারাজ ? আমি যে ক্ষুধার্ত্ত ব্রাহ্মণ—
একাদশী করেছি, পারণ করবো—নরমাংসে, এই শিশুর কোমল
মাংসে রসনা পরিতৃপ্ত করবো । এত যে বিচলিত দেখছি ?
বুঝেছি আমার প্রার্থনা পূর্ণ করতে পারবে না তুমি ; কি করবো
বল, আমারই ছুঁভাগ্য—নইলে দানবীর কর্ণের কাছে এসে
প্রার্থিত বস্তুতে বঞ্চিত হয়ে ফিরে যেতে হয় ! সমুদ্র বিরাট—
কিন্তু তৃষ্ণার্ত্তের জন্ত এক ফোঁটা জল সেথায় মিলে না ।

কর্গাজ্জুন

কর্গ। মিলবে ব্রাহ্মণ, মিলবে। তোমার প্রার্থনা পূর্ণ
করতে আমি স্বহস্তে পুত্রবলি দেবো, পুত্রের মাংস তোমায়
খাওয়াব। খাবে এস—খাবে এস—

[বৃষকেতুকে ডাকিয়া লইয়া এবং ব্রাহ্মণকে পথ দেখাইয়া
কর্গের প্রস্থান। নাগরিকগণের প্রবেশ]

প্রথম। তুই দেখেছিস—তার তিনটে পা ?

দ্বিতীয়। শুধু কি তাই ? মাথার উপরে দু'টো শিঙ।

প্রথম। আর দাঁত দু'টো ?

দ্বিতীয়। এই মূলোর মতো—

প্রথম। কান দু'টো বুঝি কুলোর মতো ?

দ্বিতীয়। তা আর নয় ? মূলোর মতো দাঁত হ'ল আর
কুলোর মতো কান হবে না ?

প্রথম। আর মাথাটা ?

দ্বিতীয়। সে ঐ পেটের ভেতরে সঁধোনো।

প্রথম। দূর্ হতভাগা ! মাথাটা যদি পেটের ভেতরে
সঁধোনো হ'ল, তাহ'লে তুই তার মূলোর মত দাঁত আর কুলোর
মতো কান দেখ্‌লি কি করে ?

দ্বিতীয়। ওঃ—তাও তো বটে। তাহ'লে—ঢাখ, মাথাটা
তার পেটের ভেতর নয়, পায়ের ওপর—

প্রথম। আর হাত দু'টি বুঝি নীচে ঝুলছে। দূরে ঐ
খস্‌খস্‌ শব্দ শুন্‌ছিস্‌ না ? নিশ্চয় রাক্ষস আসছে। রাজা,
রাণী আর রাজপুত্রকে খেয়ে হয়তো তার পেট ভরে নি ; তাই

কর্ণাজ্জুন

আমাদেরও—বুঝলি কিনা—সে তো নেহাৎ অসম্ভব নয় ! আয়
এই বেলা লম্বা দেই—ও বাবা !

[দ্বিতীয় নাগরিক দৌড়িয়া পলাইল । প্রথম নাগরিক পলাইতেছিল—
এমন সময় সেই পথে তৃতীয় নাগরিক প্রবেশ করিতে ছ'জনেই
ছ'জনকে রাক্ষস মনে করিয়া—“আমাকে নয়, দোহাই
বাবা—আমাকে নয়” বলিয়া চীৎকার করিতে
লাগিল । শেষে—]

প্রথম । ওঃ—আমাদের পক্ষু ?

তৃতীয় । আরে খুড়ো ?

[ছ'জনেই হাঁক ছাড়িয়া বাঁচিল]

তৃতীয় । তা খুড়ো, তিনি গেলেন কোথায় ?

প্রথম । (হাঁপানি থামিলে) তিনি ? তিনি গেছেন ঐ
রাজবাড়ী ।

তৃতীয় । কটাকে সাবাড় করলে ?

প্রথম । সব-ক'টাকে ।

তৃতীয় । অর্থাৎ ?

প্রথম । অর্থাৎ ? তবে শোন—প্রথমে মহারাজ, তারপর
রাণী-মা, তারপর রাজকুমার বৃষকেতু, তারপর কনিষ্ঠ রাজকুমার
বৃষসেন, তারপর—

তৃতীয় । তারপর প্রাসাদের যে যেখানে আছে সব ; মায়
রাজার অন্তর দেউড়ির দ্বারপাল রামধনকে । (চীৎকার) ওরে
রামধন রে ! ওরে আমার বাছা রে !

প্রথম । রামধন আবার তোর কিছু হয় নাকি পক্ষু ?

কর্ণার্জুন

তৃতীয় । হয় না ? সে যে আমার ভাগ্নে-বৌয়ের মামাতো
ভাইএর জ্যাঠাতুত স্বশুর ! আহা, বড় ভালো লোক ছিল ।
ওরে রামধন রে !

[কাঁদিতে কাঁদিতে প্রস্থান]

প্রথম । টেঁচাতে টেঁচাতে পঞ্চু তো জানিয়ে দিচ্ছে,
রাজবাড়ীতে ওর একজন আপনার লোক ছিল । কিন্তু আমি
কি করি ? যাই—রাজবাড়ীর সদর-দেউড়ির দ্বারপালের নামটা
জেনে নিয়ে তারই জগ্নো কাঁদতে বাসগে । যদি তার নাম
লক্ষ্মণধন হয়, তাহ'লে—(চাঁৎকার) ওরে আমার লক্ষ্মণধন বে !

[গাহিতে গাহিতে বৃষকেতুর প্রবেশ]

গান

আমি যখন ঘুমের ঘোরে
পড়েছিলাম ঢোলে—
মোহন বেশে কে ভাই এসে
আমায় নিলে কোলে ?
চুম্ব দিয়ে ভাই ঘুম পাড়ালে
আমার কাছে আসি'—
স্বপন মাঝে শুন্তে পেলাম
প্রাণ-মাতানো বাঁশী ।

[কর্ণের প্রবেশ]

কর্ণ । বৃষকেতু ! আমার বৃষকেতু ! বেঁচে আছ—বেঁচে
আছ বাবা !

কর্গাজ্জুন

[শ্রীকৃষ্ণের আবির্ভাব]

শ্রীকৃষ্ণ । বিস্মিত হোয়ো না কর্ণ, সত্যই বৃষকেতু জীবিত ।
দানশীলতার পরীক্ষা গ্রহণ করতে আমি তোমার কাছে উপস্থিত
হয়েছিলাম ব্রাহ্মণের বেশে । অতিথির শ্রীতির জন্য পুত্র উৎসর্গ
করে দানশীলতার যে মহান্ আদর্শ প্রতিষ্ঠিত করলে আজ, যুগে
যুগে লোকে তোমার এ সৎ দৃষ্টান্ত স্মরণ করবে । আর আজ
হ'তে ত্রিভুবনে তুমি “দাতাকর্ণ” বলে পরিচিত হবে ।

দ্বিতীয় দৃশ্য

[খাণ্ডব বনের এক প্রান্তে অর্জুন ও অগ্নি]

অর্জুন । কে আপনি ব্রাহ্মণ, কি আপনার কাম্য ?

অগ্নি । আমি ক্ষুধার্ত্ত । অভিপ্রেত ভোজ্যদ্রব্যে আমায় তৃপ্ত
কর ।

অর্জুন । সাধ্য হ'লে অগ্নিথা করবো না ব্রাহ্মণ ! কি খাণ্ড
আপনার বাঞ্ছিত ?

অগ্নি । এই অরণ্য ।

অর্জুন । এ অরণ্য আপনার খাণ্ড ! সে কি ?

অগ্নি । হাঁ বৎস, এই খাণ্ডব বনই আমার খাণ্ড । বিস্মিত
হোয়ো না—আমি বৈশ্বানর । (অর্জুনের প্রণাম) শ্বেতকেতু

কর্গাজ্জুন

রাজা দ্বাদশ বৎসর ধরে যে যজ্ঞ করেছেন, সেই যজ্ঞের হবিঃ
খেয়ে উদরে আমার অগ্নিমান্দ্য রোগ জন্মেছে। সেই অগ্নিমান্দ্য
হ'তে রক্ষা পাবার জন্মেই আমি খাণ্ডব বন খেতে চাই।

অর্জুন। এ আর বেশী কথা কি! এখনি আমি অগ্নিবাণে
খাণ্ডব বন দগ্ধ করে দিচ্ছি।

অগ্নি। যত সহজ মনে কর্ছো তত সহজ নয়। এই বনে
যুগ যুগ ধরে ভীষণ জীবসমূহের বাস। হস্তী, ব্যাঘ্র, সিংহ,
ভীষণাকার সর্পসমূহ, যক্ষ, রক্ষ, গন্ধর্ব্ব, কিন্নর সৃষ্টির আদিকাল
হ'তে এখানে বাস কর্ছে—আমি এ বনে অগ্নিসংযোগ কর্তে
গেলে তারা বার বার বাধা দিয়েছে।

অর্জুন। আপনি নিশ্চিন্ত থাকুন প্রভু, তাদের সকলের
বিরোধিতা সত্ত্বেও আমি খাণ্ডব বন দগ্ধ করবো। শুধু মাত্র
যুদ্ধোপকরণ সংগ্রহের অপেক্ষা—

[বরুণের প্রবেশ]

বরুণ। যুদ্ধোপকরণের জন্ম ভাব্তে হবে না। আমি
তোমাকে অস্ত্রশস্ত্র আর রথ দেবো।

অর্জুন। আপনি!

বরুণ। হাঁ, আমি। এই নাও পার্থ অক্ষয়তূণ আর গাণ্ডীব।
এ গাণ্ডীব দেবগণেরও পূজিত—সকল অস্ত্রের শ্রেষ্ঠ আর এই
অক্ষয়তূণ শ্রেষ্ঠতম বাণসমূহের আকর। আর ঐ দেখ, তোমার
জন্ম প্রস্তুত আমার চন্দ্রদত্ত রথ—পবনগতি চারিটি শ্বেত অশ্ব
যার বাহন, কপি যার ধ্বজায়।

কর্ণাজ্জুন

অগ্নি । যাও ফাল্গুনী, গাণ্ডীব হাতে, অক্ষয়তুণ পৃষ্ঠে
কপিধ্বজ চন্দ্রদন্ত রথে চড়ে খাণ্ডবদাহনে অগ্রসর হও ।

[অগ্নি ও বরুণকে প্রণাম করিয়া এক দিক দিয়া অর্জুনের এবং
অপর দিক দিয়া অগ্নি ও বরুণের প্রস্থান । দেখিতে
দেখিতে দাউ দাউ করিয়া অগ্নি জলিয়া উঠিল]

নেপথ্যে অর্জুন । গগনচুম্বী অগ্নিশিখা ! প্রলয়-গর্জনে
গর্জে ওঠ । হিংস্রজন্তু-সমাকুল অরণ্য তোমার দাপ্তিশিখায় দগ্ন
হো'ক—ভস্ম হো'ক—

[দেবরাজ ইন্দ্রের প্রবেশ]

ইন্দ্র । নিবৃত্ত হও পার্থ, খাণ্ডব বন আমার অধিকৃত ।
এ বন দগ্ন করে আমার আশ্রিত জীবকুলের মৃত্যুর কারণ
হোয়ো না ।

[অর্জুনের পুনঃ প্রবেশ]

অর্জুন । ক্ষমা করবেন দেবরাজ, হিংস্রজন্তুগুলিকে আশ্রয়
দিয়ে আপনি লোকসমাজের যে ঘোর অনিষ্ট সাধন করেছেন
তার প্রায়শ্চিত্তের কিছু অবসর আপনাকে দেবোই আমি আজ
অরণ্য দগ্ন করতে আমি কৃতসঙ্কল্প ।

ইন্দ্র । আমার আদেশেও কি তুমি নিবৃত্ত হবে না ?

অর্জুন । অসম্ভব দেবরাজ ! আমার বাণমুখে যে কালাগ্নি
প্রজ্জ্বলিত হয়েছে, তার প্রতিসংহার অসম্ভব ।

ইন্দ্র । তবে দেখ অহঙ্কারী, তোমার চেষ্টা ব্যর্থ করতে
পারি কিনা দেখ ।

[ইন্দ্র চলিয়া গেলেন । ঋণকালমধ্যে চারিদিক মেঘাচ্ছন্ন
হইল ও মুঘলধারে বৃষ্টি পড়িতে লাগিল]

কর্ণাজ্জুন

অর্জুন । হে কালাগ্নি বাণ ! মুহূর্ত-মধ্যে বৃষ্টির ধারা শুষ্ক
বাষ্পে পরিণত কর । বাণ ! মেঘের আবরণ ছিন্ন কর—

[দেখিতে দেখিতে চারিদিক পরিষ্কার হইয়া গেল]

অর্জুন । তোমার চেষ্টা ব্যর্থ । অন্তরীক্ষ হ'তে প্রত্যক্ষ কর ।
একী ! তুমি পলায়নপর ? ছিঃ পুরন্দর ! ছি !

[গরুড়ের প্রবেশ]

গরুড় । সাবধান অর্জুন ! আমার বংশনাশে উদ্যত মদগবর্ষী
পাণ্ডুপুত্র —সাবধান !

অর্জুন । অপরকে সাবধান করবার আগে নিজে সাবধান
হও বৈনতেয় ! আমার এই ব্রহ্মশির বাণের তেজ সহ করে
তবে আবার সাবধান-বাণী উচ্চারণ কর—

[অর্জুনের বাণ নিক্ষেপ—গরুড়ের পলায়ন]

অর্জুন । হাঃ হাঃ হাঃ হাঃ ! (যক্ষকে দেখিয়া) কে
আবার ! যক্ষ ? পরিত্রাণ নাই—পরিত্রাণ নাই ! পিশাচ, দক্ষ
হও—কিন্নর-কিন্নরী, বিদ্যাধর-বিদ্যাধরী ! দক্ষ হও—দক্ষ হও—

নেপথ্যে অশ্বসেন । মা ! মা ! বড় জ্বালা, আগুনের বড়
জ্বালা ।

অর্জুন । তক্ষকপুত্র অশ্বসেন ! দক্ষ হও—দক্ষ হও—

[অর্জুনের প্রস্থান, অশ্বসেনের প্রবেশ]

অশ্বসেন । পার্লে না—পার্লে না অর্জুন, দুঃখিনী মায়ের
প্রাণসংহার করলেও তোমার বাণাঘ্নিতে আমাকে দক্ষ করতে
পার্লে না ! নাগকুলের মধ্যে একা আমিই বেঁচে রইলুম বটে,

কর্ণার্জুন

কিন্তু আমারই বিক্রম একদিন তুমি প্রত্যক্ষ কোরো ফাল্গুনী !
প্রতিহিংসা চাই—প্রতিহিংসা—প্রতিহিংসা—

[অশ্বসেনের প্রস্থান]

[অর্জুনের পুনরায় প্রবেশ]

অর্জুন । তক্ষকপুত্র পালায় ! বাণ ! তুমি চারিদিক ঘিরে
ফেল—একটি মাত্র প্রাণীও যেন নিস্তার পায় না—

[বেগে ময়-দানবের প্রবেশ]

ময় । রক্ষা কর, আমার প্রাণরক্ষা কর অর্জুন ! আমি
থাণ্ডবারণ্যের অধিবাসী নই—কার্যোপলক্ষে তক্ষকগৃহে অতিথি
হয়েছিলাম মাত্র । আমি তোমার আশ্রিত—আশ্রিতকে
আশ্রয়দানে বিমুখ কোরো না ।

অর্জুন । আশ্রয়প্রার্থী হয়ে এসেছো ময়-দানব, তোমায়
আমি অভয় দিলাম । তুমি যথা ইচ্ছা চলে যেতে পার । '

ময় । আমার প্রাণরক্ষক ! আমার দেবতা ! তোমার কোন
উপকার করে কৃতজ্ঞতা প্রকাশ করতে চাই । কি করবো
আদেশ দাও ।

অর্জুন । কি তোমার সাধ্য তাই বল—

ময় । আমি বিশ্বশিল্পী বিশ্বকর্মার শিষ্য । প্রাসাদ নির্মাণে
দক্ষ । আদেশ কর—

অর্জুন । মহারাজ যুধিষ্ঠিরের নিকটে যাও । তাঁর আদেশ
নিয়ে ইন্দ্রপ্রস্থে প্রাসাদময় এক নগর নির্মাণ কর । নির্মিত
হলে আমরা রাজসূয় যজ্ঞের আয়োজন করবো ।

[প্রণাম করিয়া ময়-দানবের প্রস্থান]

কর্গাজ্জন

বিস্তৃত বন দগ্ধ হয়েছে। অবশিষ্ট আছে ঐ শমীবৃক্ষ।
বাণাগ্নি! শমীবৃক্ষ দগ্ধ কর—

[মন্দপাল ঋষির প্রবেশ]

মন্দপাল। ক্ষান্ত হও—ক্ষান্ত হও অর্জুন—বিরাট
খাণ্ডবারণ্যে একটি মাত্র বৃক্ষ অবশিষ্ট, ঐ বৃক্ষটি অগ্নিতে দগ্ধ
কোরো না।

অর্জুন। কে আপনি মহাপুরুষ?

মন্দপাল। আমি ঋষি মন্দপাল। তপঃসিদ্ধ হয়ে স্বর্গা-
রোহণ করেছিলাম, বংশরক্ষা হেতু পুনরায় পৃথিবীতে অবতরণ
করেছি। মনুষ্যবংশ পাপের আকর, তাই পক্ষিরূপে জন্মগ্রহণ
করেছিলাম। তোমার বাণাগ্নিতে প্রাণত্যাগ করে স্বর্গে ফিরে
যাচ্ছি। ভিক্ষা—অর্জুন, ভিক্ষা,—শমীবৃক্ষ তুমি দগ্ধ করো
না। চারিটি বিহগশিশু ঐ বৃক্ষে—আমার পুণ্যে তাদের
প্রাণভিক্ষা দাও।

অর্জুন। তাই হোক ঋষি, ঐ শমীবৃক্ষ অক্ষুণ্ণ রেখেই আমি
আমার বাণাগ্নি প্রতिसংহার করছি।

মন্দপাল। জয় হোক বাবা!

[মন্দপাল ঋষির প্রস্থান]

অর্জুন। বৈশ্বানর!

[অগ্নির পুনঃ প্রবেশ]

এ ঋষিবার বাণাগ্নি প্রতिसংহার করি? বলুন, আপনি তৃপ্ত?
অগ্নি। আমি তৃপ্ত—অর্জুন, আমি তৃপ্ত। তোমাকে
আশীর্ব্বাদ করি—রণে তুমি অপরাভ্রয় হও। শরনিক্ষেপে
দক্ষিণ ও বাম হস্তে তুমি হবে সমশক্তিধর—সব্যসাচী।



তৃতীয় দৃশ্য

[হেমন্ত পর্বতে কিরাতবেশী মহাদেব ও অর্জুন]

মহাদেব । এই বীর তুমি ! পরের শিকারকে নিজের বলে দাবী করতে লজ্জাবোধ কর না !

অর্জুন । সাবধান বন্য শৃগাল ! সিংহের শিকার অধিকার করবার দুশ্চেষ্টায় বিপদের জালে নিজেকে আবদ্ধ কোরো না ।

মহাদেব । যদি করি, কি করবে ?

অর্জুন । হত্যা করবো—

মহাদেব । কি দিয়ে ?

অর্জুন । আমার এই তীক্ষ্ণ অস্ত্রে ।

মহাদেব । অস্ত্রে আমায় কাটতে পারবে ? পরীক্ষা করে দেখ !

অর্জুন । মিথ্যা কেন প্রাণ দেবে কিরাত, মানে মানে আমার শিকার ছেড়ে দাও । বরাহের আশা পরিত্যাগ করে বনের জীব বনে চলে যাও—

মহাদেব । যতই বল, শিকার না নিয়ে আমি ফিরছি না ।

অর্জুন । তবে দেখ—

[অর্জুন তীর ছুঁড়িতে লাগিলেন ; তীর মহাদেবের গায়ে ঠেকিয়া মাটিতে পড়িতে লাগিল]

অর্জুন । কি আশ্চর্য্য ! তীর তোমাকে বিদ্ধ করতে পারলে

কর্ণার্জুন

না। তুমি কি মানুষ—না, দেবতা? যেই হও তুমি, আমার হাতে তোমার নিস্তার নাই।

[আবার কিছুক্ষণ তাঁর ছুঁড়িতে লাগিলেন]

আশ্চর্য্য! অক্ষয়তুণের সব তাঁর পরীক্ষা কর্ণুম, কোনটিই এই ব্যাধের অঙ্গ বিদ্ধ করতে পারলে না। আবার হাস্ছে! পৃথিবীর শ্রেষ্ঠ বীরের বীরত্ব উপেক্ষা করে নীরব—নিশ্চেষ্ট দাঁড়িয়ে হাস্ছে! যদি তাঁরে বিদ্ধ করতে না পারি—আমার তরবারি?

[তরবারির আঘাত। তরবারি ভূপতিত]

তরবারিও প্রতিহত হয়ে মাটিতে পড়ে গেল! তবে বর্শা—
(বর্শা নিক্ষেপ) বর্শাও চূর্ণ হয়ে গেল। তবে—তবে আয়
তোকে এই গাণ্ডীবের প্রহারে জর্জরিত করি—

[গাণ্ডীব দিয়া আঘাত করিলে মহাদেব হাসিরা গাণ্ডীব
কাড়িয়া লইলেন]

গাণ্ডীব কেড়ে নিলে! কে তুমি মহাশক্তিধর! দাঁড়াও—
শিবপূজা করে শিবের কাছে বর প্রার্থনা করে পাশুপত ভিক্ষা
নিয়ে তবে তোমাকে পরাজিত করবো।

[অর্জুন শিবপূজায় বসিলেন; মহাদেব হাসিতে লাগিলেন;
অর্জুন শিবলিঙ্গের উপরে মালা বসাইয়া
ধ্যান করিতে লাগিলেন]

“ওঁ ধ্যায়েন্নিত্যং মহেশং রজতগিরিনিভং চারুচন্দ্রাবতংসং ।

রত্নকল্লোজ্জলাঙ্গং পরশুমৃগবরাভীতিহস্তং প্রসন্নং ॥

পদ্মাসীনং সমস্তাং স্তমমরগণৈর্ব্যাস্রকীর্ত্তি বসানং ।

বিশ্বাচ্যং বিশ্ববীজংনিখিলভয়হরং পঞ্চবক্রুং ত্রিনেত্রং ॥”

কর্ণাজ্জুন

আমার ধ্যানস্থ শিবমূর্তি আর কিরাত অভিন্ন ! আর কেন
ছলনা দেবাদিদেব ? অধীনের সকল অপরাধ ক্ষমা করে প্রসন্ন-
নেত্রে দৃষ্টিপাত করুন ।

মহাদেব । বৎস অজ্জুন ! তোমার প্রতি আমি প্রসন্ন
হয়েছি । এই নাও তোমার গাণ্ডীব, আর এই নাও তোমার
অভিপ্রেত পাশুপত অস্ত্র । ইন্দ্র, চন্দ্র, কুবেরাদি দেবগণেরও
নিকট দুর্লভ এই পাশুপত অস্ত্রের ব্যবহার, আমি ভিন্ন আর
কেউ জানে না । এই অস্ত্রে বলী হয়ে মনুষ্যমধ্যে “বিজয়ী” বলে
পরিচিত হও ।



চতুর্থ দৃশ্য

[প্রাগ্জ্যোতিষপুরের রাজা ভগদত্তের ভগ্নী ভানুমতীর
স্বয়ম্বর-সভা । হস্তিনার রাজা দুর্যোধন, অঙ্গরাজ কর্ণ,
কলিঙ্গ, মৎস্য, পাঞ্চাল প্রভৃতি দেশের রাজস্ববৃন্দ,
যুধিষ্ঠিরাদি পঞ্চভ্রাতা ও ভগদত্ত]

ভগদত্ত । বহুবিশ্রুত বীরেন্দ্রবৃন্দ ! লক্ষ্যভেদ করে যিনি
শস্ত্রনৈপুণ্যের পরিচয়-প্রদান করতে পারবেন, তিনিই আমার
ভগ্নী কুমারী ভানুমতীর পাণিগ্রহণের যোগ্য বিবেচিত হবেন ।
যাঁর সে সামর্থ্য আছে, তিনি অগ্রসর হোন । হস্তিনাপুরের
অধিপতি ভারতের শ্রেষ্ঠ রাজা দুর্যোধন ! একি ! নিশ্চেষ্ট বসে
আছেন ! আপনি তবে লক্ষ্যভেদে অগ্রসর হবেন না ?

কর্গাজ্জুন

ভীম । দ্রুপদরাজনন্দিনীর স্বয়ম্বর-সভায় লক্ষ্যভেদে অসাফল্যের কথা নিশ্চয়ই তুর্ঘ্যোধন এখনো বিস্মৃত হয়নি । তাই আর একবার অপদার্থ প্রমাণিত হ'তে সে অসম্মত । আপনি অশ্রু কোন বীরকে আহ্বান করুন মহারাজ ভগদত্ত ।

ভগদত্ত । কলিঙ্গরাজ ! পাঞ্চাল রাজকুমার ! সিদ্ধুরাজ জয়দ্রথ ! মৎশুরাজ ! কাশীরাজ ! কোশলাধিপ ! কেউ আপনারা অগ্রসর হচ্ছেন না ? অঙ্গরাজ কর্ণ !

[কর্ণ অগ্রসর হইতেছিলেন ; তাঁহাকে স্বযোগ না দিয়া অর্জুন পূর্বেই মঞ্চের উপরে দণ্ডায়মান হইলেন]

ভগদত্ত । এক কুমারীর বহুপতিত্ব আমরা ঘৃণা করি । সূতরাং হে পাণ্ডব—

অর্জুন । দ্বারকার রাজকুমারী সুভদ্রাকে বাহুবলে গ্রহণ করে আমি একাই পত্নীরূপে বরণ করেছি । তা'ছাড়া নাগকণ্ঠা উলুপী, আর হে প্রাগ্‌জ্যোতিষপুররাজ ! আপনারই নিকট-প্রতিবেশী মণিপুর-রাজ্যের বীরঙ্গনা চিত্রাঙ্গদাও একক আমারই পত্নী । লক্ষ্যভেদে সক্ষম হ'লে আপনারই অভিপ্রায়ানুযায়ী আপনার ভগ্নীকে আমিই বিবাহ করবো, তিনি একা আমারই পত্নী হবেন—পঞ্চপাণ্ডবের নয় ।

ভগদত্ত । কিন্তু আপনি কোন্ জনপদের অধিপতি, তা জানতে পারি কি মহাশয় ?

অর্জুন । আমি নিজে কোনো রাজ্যের রাজা নই বটে, কিন্তু আমি এক মহান্ রাজার প্রতিনিধি ।

কর্গাজ্জুন

ভগদত্ত । (ব্যঙ্গস্বরে) কে সেই মহান্ রাজা ?

অর্জুন । ইন্দ্রপ্রস্থের অধিরাজ যুধিষ্ঠির ।

ভগদত্ত । যুধিষ্ঠির । যুধিষ্ঠির আবার রাজা ! রাজাই যদি হবে সে, তাহ'লে মাতা, পত্নী আর ভাইদের নিয়ে বনে বনে ঘুরে বেড়ায় কেন ? বীরবর, বীরত্বপ্রদর্শন স্মৃগিত রেখে আসন গ্রহণ করুন ! হস্তিনার রাজসভায় দ্রৌপদীর অপমানের কথা যার স্মরণ আছে, সে কখনো পাণ্ডবকে কণ্ঠাদান করবে না ।

[অর্জুন বসিয়া পড়িলেন

অঙ্গরাজ কর্ণ !

[কর্ণ উঠিয়া ধনুক হাতে লইলেন]

কর্ণ । প্রত্যক্ষ করুন বীরবৃন্দ ! আমি লক্ষ্যভেদ করছি । চিরারাধ্য সূর্য্যদেব ! তুমি আমার দৃষ্টি প্রসারিত কর । তোমার কৃপায় এই তীর সূক্ষ্ম রক্তপথে প্রবেশ করে লক্ষ্যে বিদ্ধ হোক—

[সকলে বিস্ময়ে নিরীক্ষণ করিল—তীর গিয়া

লক্ষ্যস্থলে বিদ্ধ হইয়াছে]

ভগদত্ত । ধন্য—ধন্য তুমি অঙ্গরাজ কর্ণ ! ভানুমতী আজ হ'তে তোমার—

কর্ণ । আমার নয়, আমার নয় মহারাজ—(দুর্ঘ্যোধনকে টানিয়া আনিয়া) আমার পরম বন্ধু হস্তিনাপুরাধিপতি এই মহারাজ দুর্ঘ্যোধনের ধর্মপত্নী হবেন আপনার ভগ্নী ।

ভগদত্ত । ধন্য—শতধন্য তুমি কর্ণ ! তোমার বন্ধুবাৎসল্য তোমার দানশীলতার মতোই বিশ্ববিশ্রুত হয়ে থাকবে । নরকুলমধ্যে তুমি নরোত্তম ।

—————

চতুর্থ অঙ্ক

প্রথম দৃশ্য

[সূর্য্যপূজায় নিরত কর্ণ]

কর্ণ । (ধ্যান)—

ওঁ রক্তাসুজাসনমশেষগুণৈকসিন্ধুং
ভানুং সমস্তজগতামধিপং ভজামি ।
পদ্মদ্বয়াভয়বরান্ দধতং করাজৈ-
মাণিক্যমৌলিমরুণাগুরুচিং ত্রিনেত্রম্ ॥

দিবাকর ! কুরুক্ষেত্র-সংগ্রামে জয়লাভ কামনা করে তোমার কাছে বর প্রার্থনা করি ! বর দাও দেবতা !

[সূর্যের আবির্ভাব ও ভবিষ্যদ্বাণী]

বাণী । বৎস কর্ণ ! চিরদিন আমি তোমার হিতার্থী । তোমাকে তোমার অভিপ্রেত বর প্রদান করছি—কুরুক্ষেত্র-সংগ্রামে তুমি অজেয় হবে ।

কর্ণ । (প্রণাম)—

ওঁ জবাকুসুমসঙ্কাশং কাশ্যপেয়ং মহাদ্যুতিম্ ।
ধ্বান্তারিং সর্বপাপপ্লং প্রণতোহস্মি দিবাকরম্ ॥

[সূর্য্যদেবের অন্তর্দান]

কর্ণ । দেবতা ! দেবতা ! ভক্তের প্রতি তোমার এতই করুণা ! (উদ্দেশে) সূর্য্যোধন ! আর ভয় নাই । ভগবান

কর্ণাজ্জুন

ভাস্করের বলে আমি অজেয়—কুরুক্ষেত্র-সংগ্রামে আমাদের জয়লাভ সুনিশ্চিত?—কে?

[প্রতিবিক্ষেপ প্রবেশ]

প্রতিবিক্ষেপ। আমি প্রতিবিক্ষেপ।

কর্ণ। যুদ্ধিরের পুত্র? আমার কাছে যে অকস্মাৎ?

প্রতিবিক্ষেপ। পিতামহী কুন্তীদেবী আমায় পাঠিয়েছেন—
আপনার কাছে তাঁর কি প্রার্থনা আছে, তাই চেয়ে নিতে।

কর্ণ। আমার কাছে কুন্তীদেবীর প্রার্থনা! তিনি পঞ্চ-
পাণ্ডবের জননী—আমার মতো দীন ব্যক্তির কাছে তাঁর কি
প্রার্থনা থাকতে পারে? যার শিব-সাধনার জন্তু ধন জয় করে
এনে দিয়ে অজ্জুন ধনঞ্জয়, সেই মহামহিমাম্বিতা ধনঞ্জয়-
জননী—দীনহীন সূতপুত্রের কাছে—বংশ-পরিচয়হীন বর্কবরের
কাছে তাঁর কি প্রার্থনা থাকতে পারে পাণ্ডব বংশ-ভাগ্যধর?

প্রতিবিক্ষেপ। আপনি যদি বলেন যে প্রার্থনা অপূর্ণ থাকবে
না, সত্যাশ্রয়ী আপনি যদি প্রতিশ্রুতি দেন, তবেই আমি
পিতামহী দেবীর প্রার্থনা আপনাকে নিবেদন করতে পারি।

কর্ণ। চতুরা পাণ্ডব-জননী জানেন—আমি দাতাকর্ণ, কিছুই
আমার অদেয় নেই—কারো কোনো প্রার্থনাই আমার কাছে
অপূর্ণ থাকবে না! কিন্তু তথাপি—তথাপি পাণ্ডু-বংশধর!
আমি জানতে চাই কি ভাবে কোন্ রূপে তিনি আজ প্রার্থীরূপে
আমার কাছে উপস্থিত?

প্রতিবিক্ষেপ। মাতারূপে—

কর্ণার্জুন

কর্ণ ! মাতারূপে ! মাতারূপে ! ওরে মাতৃহীন ! ওরে
আশৈশব মাতৃস্নেহ-পিপাসু অনাথ ! একথা শুনেই কেন হৃদয়
তোর উদ্বেলিত হ'য়ে উঠলো ! ওরে মাতৃ-সুখসুখা-বঞ্চিত
হতভাগ্য ! শত্রুজননী আজ তোর বুভুক্কিত—তৃষিত হৃদয়-
মরুভূমিতে মাতৃস্নেহের উৎসধারা নিয়ে উপস্থিত—(চোখ
বুঁজিয়া) মা ! মা ! বলতে বলতে অন্তর আমার সুধাধারায়
সিক্ত হ'য়ে উঠলো—চির-বিদগ্ধ সুশীতল প্রস্রবণের ধারায়
স্নান করে উঠলো—আঃ !

প্রতিবিন্দ্য । বলুন বীর, দেবীর প্রার্থনা অপূর্ণ থাকবে না ?

কর্ণ । প্রার্থনা ? সম্ভানের কাছে মায়ের প্রার্থনা নয়—
দাবী । অবশ্য পূরণ করবো । আমি মায়ের কুসম্ভান নই—
মা'র অভিলাষ পূরণে আমি অক্ষম নই—বল প্রতিবিন্দ্য কি
জননীর আকাঙ্ক্ষিত বস্তু ?

প্রতিবিন্দ্য । আপনার সূর্য্যপূজার ফল—

কর্ণ । এইমাত্র ! মা ! মা ! শুধু সূর্য্যপূজার নয়—আমার
জীবনের সমস্ত কর্মফল আমি তোমাকে অর্পণ করলাম । মা !
মা ! আমার মা ! আমার মা !

[ভাবাবেশের অবসানে যখন চক্ষু মেলিলেন, দেখিলেন—

সম্মুখে হুর্য্যোধন]

কর্ণ । কি বন্ধু ?

হুর্য্যোধন । বড় বিপদ কর্ণ । ভীমের পুত্র ঘটোৎকচের
আক্রমণে কুরুকুল বিধ্বস্ত-প্রায় । তোমার কাছে যে একাঙ্গী

কর্গাজ্জুন

বাণ আছে, সে বাণে ঘটোৎকচের প্রাণসংহার করে কুরুকুল
রক্ষা কর—

কর্গ। একাঙ্গী বাণ! সর্বনাশ! সে যে আমি অজ্জুন
সংহারের জন্ত রেখেছিলাম। তুমি জান, ঐ একাঙ্গী বাণ
ভিন্ন অজ্জুনের প্রাণসংহার অসম্ভব।

দুর্যোধন। আজিকার যুদ্ধে যদি সবংশে রক্ষা পাই, তবে
তো অজ্জুনের প্রাণবধ! আজ যদি মরি, তাহ'লে বন্ধু, কাল
তুমি অজ্জুনের প্রাণসংহার করে আমার কি উপকার করবে?

কর্গ। তাই হবে দুর্যোধন! তুমি নিশ্চিত হও, একাঙ্গী
বাণ নিয়ে আমি এখনই যুদ্ধক্ষেত্রে উপস্থিত হচ্ছি।

[বিপরীত দিক দিয়া কর্গ ও দুর্যোধনের প্রস্থান ; একাঙ্গী

বাণসহ পুনরায় প্রবেশ করিয়া দেখিলেন—সম্মুখে

ব্রাহ্মণবেশী ইন্দ্র]

কর্গ। তোমার আবার কি প্রার্থনা?

ব্রাহ্মণ। তোমার ঐ কবচকুণ্ডল।

কর্গ। এই নাও—এই নাও—

[কর্গ কবচকুণ্ডল খুলিয়া দিলেন]

ব্রাহ্মণ। কর্গ! আমি যথার্থ ব্রাহ্মণ নই—আমি ইন্দ্র।
আমার পরম বন্ধু অজ্জুনের কল্যাণকামনায় ব্রাহ্মণের ছলনায়
তোমার কবচকুণ্ডল হরণ করলাম। কালিকার যুদ্ধের পরিণাম
যাই হোক—তুমি পৃথিবীর শ্রেষ্ঠতম বীর বলে পূজিত হবে।

[প্রস্থান

কর্ণাজ্জুন

কর্ণ। সূর্য্যপূজার ফল গেল—কবচকুণ্ডল গেল, একাঘ্নী বাণও যাচ্ছে। হতভাগ্য কর্ণ! আজ হতে তুমি রিক্ত—না না, রিক্ত নও—রিক্ত নও, ঘোরতর ভাগ্য-বিপর্য্যয়ের মধ্যেও তুমি আজ এক মহাসম্পদ লাভ করেছ, সে সম্পদ তোমার মা—মাতৃস্নেহ-বঞ্চিত হতভাগ্যের মহিমময়ী জননী। মা! মা! সকল রিক্ততা পূর্ণ করে আজ আমার অস্তরের মধ্যে আছ শুধু তুমি! মা! মা! আমার মা!

দ্বিতীয় দৃশ্য

[পাণ্ডবশিবির—অজ্জুন ও ধৃষ্টদ্যুম্ন]

অজ্জুন! ধিক্ ধৃষ্টদ্যুম্ন, ধিক্। পুত্রশোক-সংবাদ শ্রবণে অবসন্ন দ্রোণাচার্য্যের মস্তক ছেদন করতে তোমার একটু মমতা হ'ল না?

ধৃষ্টদ্যুম্ন। সে আমার পিতৃশত্রু।

অজ্জুন। পিতৃশত্রু এককালে তোমার ছিলেন বটে, কিন্তু তারপর মনে নাই ধৃষ্টদ্যুম্ন, এককালে দ্রোণাচার্য্য তোমার পিতার জীবন-ভিক্ষাও দিয়েছিলেন। অস্ত্রশিক্ষা শেষ হ'লে আমরা যখন গুরুদক্ষিণা দিতে চাইলাম, আচার্য্য গুরুদক্ষিণাস্বরূপ তোমার পিতাকে বেঁধে আনতে আদেশ করলেন! আচার্য্যের আদেশে আমিই গিয়ে রথচক্রে বেঁধে তোমার পিতাকে নিয়ে এলাম। তিনি বৈরিতাসাধন করলেন শুধু ক্ষমা করে। অগ্নান হাসি হেসে

কর্নাৰ্জুন

বল্লেন—ক্রপদ ! ব্রাহ্মণের কাছে তুমি যত অপরাধই না করে থাক, ব্রাহ্মণের কাছে পাবে শুধু ক্ষমা । সে তো স্বর্ণাভীত কাহিনী নয় ধৃষ্টদ্যুম্ন ! ছিঃ কাপুরুষ ! দ্রোণাচার্য্যের শিরশ্ছেদ করে তুমি যে মহাপাপ করেছো—তার প্রায়শ্চিত্ত নেই ।

[যুধিষ্ঠিরের প্রবেশ]

যুধিষ্ঠির । সে জন্তু ধৃষ্টদ্যুম্নকে তিরস্কার কোরো না ভাই, আমাকে তিরস্কার কর । দ্রোণাচার্য্যের বীরজীবনের শোচনীয় পরিণতির জন্তু আমি দায়ী, অশ্বখামা গজের মৃত্যুসংবাদ শোনবার প্রতারণায় আমিই তাঁর মৃত্যু ঘটিয়েছি ।

অর্জুন । ওদিক্কার সংবাদ কি দাদা ?

যুধিষ্ঠির । সংবাদ শুভ । কর্ণের একাঙ্গী বাণেই ঘটোৎকচের মৃত্যু হয়েছে ।

অর্জুন । ঘটোৎকচের মৃত্যু হয়েছে, তবু তুমি বলছো—সংবাদ শুভ ! একী রহস্য দাদা ?

যুধিষ্ঠির । এ রহস্য আমরা কেউ জানতাম না ভাই, নারায়ণের কাছে শুনেছি—সত্যই এ বিচিত্র রহস্য । কর্ণের ঐ একাঙ্গী বাণ তোমার প্রাণবধে সমর্থ ছিল বলেই নারায়ণ ছলে ঘটোৎকচকে রণক্ষেত্রে প্রেরণ করেন । একাঙ্গী বাণ যখন ঘটোৎকচের উপর প্রযুক্ত হয়েছে, তখন আর তোমার প্রাণনাশের আশঙ্কা নাই ।

অর্জুন । দ্রোণাচার্য্যের মৃত্যুর পরে কর্ণই বৃষি হয়েছে কৌরব-সৈন্যের সেনাপতি ? ভীষ্ম, দ্রোণ গেছেন—কর্ণও যাবে ।

কর্ণার্জুন

কালানলবর্ষী গাণ্ডীব আমার হস্তে, নারায়ণ আমাদের সহায় ।
এ সংসারে আমাদের ভয় কিসে ?

[অশ্বসেনের প্রবেশ]

অশ্বসেন । ভয় আর কিছুতেই নয় পাণ্ডব, ভয় তোমার
চির-শত্রু অশ্বসেন হ'তে ।

অর্জুন । তুমি কে ?

অশ্বসেন । আমি অশ্বসেন—তক্ষকের পুত্র অশ্বসেন । মনে
নাই অর্জুন খাণ্ডব-দাহনকালে আমার মাতাকে পুড়িয়ে
মারছিলে ? তোমার সেই পাপের শাস্তি দেবো—আজি
রণক্ষেত্রে তোমার প্রাণসংহার করবো । তবেই আমি
প্রতিহিংসাপরায়ণ নাগ ।

[প্রস্থান]

অর্জুন । কিছুই করতে পারবে না তুমি আমার । বরং
রণক্ষেত্রে উপস্থিত হ'লে নিজেই প্রাণ হারাবে ।

[অর্জুন ও যুধিষ্ঠিরের প্রস্থান]

[রণপ্রত্যাগত সৈন্যগণের গাহিতে গাহিতে প্রবেশ]

গান

কাতারে কাতারে মোরা চলি সেনানী
(মোরা) বাঁচিতে জানি মোরা মরিতে জানি ।

যুষ্টি-তলে

অস্ত্র বলে,

অর্টরোলে,

হট্টগোলে

(মোরা) দিক্‌ নিনাদিয়া করি অয়ের বাণী ।

কর্ণার্জুন

তুরী ভেরী বাজে ঘন ঐ রে এবার—
ভয়ে বুক কেঁপে যায় বৈরী সবার,
গাহি উল্লাসে গান,
মোরা বাজাই বিষাগ,

(শুনে) থর থর কাঁপে যত ধরার প্রাণী ।

—

তৃতীয় দৃশ্য

[কর্ণপুত্র বৃষসেন রণক্ষেত্রে শায়িত । সম্মুখে কর্ণ ও বৃষকেতু]

বৃষকেতু । এই তো ভাই বৃষসেন, বীরের মতো মৃত্যুশয্যা গ্রহণ করেছে । বাণে বাণে ভাইএর আমার দেহ ক্ষত-বিক্ষত কিন্তু মুখভরা হাসি—বেদনার চিহ্ন সেখানে নেই ।

কর্ণ । বৃষসেন—বৃষসেন !

বৃষকেতু । একি—কাঁদছো বাবা ? তুমিই তো বলছো—যুদ্ধে যারা মরে, তাদের জন্ম কাঁদতে নেই ।

কর্ণ । (চোখ মুছিয়া) না বৃষকেতু, আমি কাঁদছি না ।
বৃষকেতু !

বৃষকেতু । কি বাবা ?

কর্ণ । পারবে তুমি তোমার ঐ ভাইএরই মতো হাসতে হাসতে মৃত্যুবরণ করতে ?

কর্ণার্জুন

বৃষকেতু । পারবো বাবা । আমি যে তোমারই পুত্র—
আমার ঐ ভাইএরই দাদা—

কর্ণ । তবে যাও বৃষকেতু ঐ সমরানলের মধ্যে—

[প্রতিবিদ্যের প্রবেশ]

প্রতিবিদ্যা । না দাঁড়াও—

কর্ণ । আবার কি প্রতিবিদ্যা ? আবার কি প্রার্থনা
আমার মা'র ?

প্রতিবিদ্যা । বৃষসেনের মৃত্যু-সংবাদে দেবী কাতর হয়ে
পড়েছেন ; তাই তিনি বৃষকেতুকে আপনার নিকট ভিক্ষা
চাইছেন ।

কর্ণ । বৃষকেতুকে ! কেন ?

প্রতিবিদ্যা । জানি না, তবে বোধ করি বৃষসেনের মতো
তাঁকে যুদ্ধে প্রাণত্যাগ করতে দেবেন না—নিজের স্নেহাঙ্কলে
বাঁচিয়ে রাখবেন ।

কর্ণ । জানি না—বংশ-পরিচয়হীন অভিশপ্তের বংশরক্ষা
করতে পাণ্ডব-জননী কুন্তীদেবীর কেন এ আগ্রহ ! জানি না
এতে তাঁর কি লাভ ! কিন্তু প্রতিবিদ্যা, একবার যখন তাঁকে
মা বলে ডেকেছি,—তাঁর সকল আদেশই আমার শিরোধার্য ।
বাবা বৃষকেতু, জানি না তোমার এই ভাগ্য কি দুর্ভাগ্য—
যুদ্ধক্ষেত্রে আর তোমাকে যেতে হবে না—তুমি এই প্রতিবিদ্যের
সাথে যাও ।

বৃষকেতু । কোথায় ?

কর্গাজ্জুন

কর্গ। যেখানে এক মহিমময়ী দেবী তোমার জন্ম অপেক্ষা করছেন। যাও তুমি বাবা, সেই মহিমাশিতার আশ্রয় গ্রহণ করগে।

বৃষকেতু। তিনি কে বাবা ?

কর্গ। তিনি! তিনি! ওরে অভাগা পুত্র! বিদায়বেলায় এ কি প্রশ্ন করে বসলি আজ? তিনি—তিনি আমার মা—

[প্রতিবিক্কার সহিত বৃষকেতুর প্রশ্নান

মা! মা! আমার মা। কৈ! মাতৃনাম উচ্চারণের সঙ্গে সঙ্গে হৃদয়ে স্নেহস্পন্দন অনুভব করছি, কিন্তু বুকে বল তো পাচ্ছি না—সেই মাতৃশক্তি অনুভব করছি না তো, যা দেহে মত্তহস্তীর বল দান করে।

[নেপথ্যে অর্জুনের শঙ্খধ্বনি]

ঐ অর্জুন শঙ্খধ্বনি করছে। আর দুর্বলতা নয়। কোথায় অর্জুন? এসো—এসো—তোমার অভ্যর্থনার জন্ম বিশ্বত্রাস কর্গ শরশয্যা বিছিয়ে রাখছে।

[অবিরত বাণ-বর্ষণ]

বাণে বাণে চারিদিক আচ্ছন্ন। প্রলয় বুঝি সন্নিকট। অর্জুন! ধন্য তোমার বাণশিক্ষা! শত্রু আমি—আমিও মুঞ্চচিত্তে তোমার বীরত্বের প্রশংসা করছি?

[অশ্বসেনের প্রবেশ]

অশ্বসেন। কর্গ!

কর্গ। তুমি কে নাগপুত্র?

কর্নার্জুন

অশ্বসেন । নাগরাজ তক্ষকের পুত্র আমি । অর্জুন আমার মাতৃহন্তা । তাই মাতৃহত্যার প্রতিশোধ গ্রহণ জন্য আমি তোমাকে সাহায্য করতে এসেছি ।

কর্ণ । কি সাহায্য আমায় করবে শুনি ?

অশ্বসেন । এই রুদ্রবাণ নাও । আমি নিজে এই বাণে অধিষ্ঠিত থেকে তোমার এবং আমার পরম শত্রু অর্জুনের প্রাণ-সংহার করবো ।

[অশ্বসেনের প্রস্থান]

কর্ণ । রুদ্রবাণ ! রুদ্রবাণ ! অর্জুন—আমার এ রুদ্রবাণের তেজ সহ্য কর—

[কর্ণের প্রস্থান ; অর্জুন ও শ্রীকৃষ্ণের প্রবেশ]

অর্জুন । মৃত্যু—সাক্ষাৎ মৃত্যু—বাসুদেব এবারে মৃত্যু নিশ্চিত ।

শ্রীকৃষ্ণ । বা অর্জুন, এই দেখ—রথচক্র ভূমধ্যে প্রোথিত করে তোমার রক্ষার উপায় করছি । দেখ অর্জুন, তোমার কিরীট মাত্র কর্তৃত করে রুদ্রবাণ শূন্যে চলে গেল ।

অর্জুন । কিরীটী বলে আখ্যাত ছিলাম ; কিরীট কেটে গেল—এও এক প্রকার মৃত্যু বাসুদেব ।

শ্রীকৃষ্ণ । বিধাতাকে ধন্যবাদ দাও সখা, কিরীট-ই শুধু গেল—কিরীটীর প্রাণ গেল না ।

অর্জুন । তারই বা নিশ্চয়তা কি কৃষ্ণ ! এখনও কর্ণের হাতে ব্রহ্মাস্ত্র, ব্রহ্মশির, কালাস্তক প্রভৃতি বাণ রয়েছে ।

কর্ণার্জুন

শ্রীকৃষ্ণ । ভয় নাই, অর্জুন, ভার্গবের অভিশাপ—সঙ্কটকালে কর্ণ প্রধান প্রধান বাণসমূহের ব্যবহার বিস্মৃত হবে । ঐ দেখ—তাপসের অভিশাপ ফলেছে—কর্ণের রথচক্র ভূমধ্যে প্রোথিত হয়েছে । এইবার তীর নিক্ষেপ কর ফাল্গুনী !

[কর্ণের প্রবেশ]

কর্ণ । জানি বাসুদেব, জানি—তোমার সখা নিরস্ত্রের উপরে তীর নিক্ষেপে সঙ্কুচিত হবে না । তাই বাণমুখে এ প্রশস্ত বক্ষ এগিয়ে দিতে নিজেই কাছে এসেছি ।

[বলিতে বলিতে অর্জুনের নিক্ষিপ্ত তীরে কর্ণ ভূপতিত হইলেন]

শ্রীকৃষ্ণ । মৃত্যুর পূর্বে শুনে যাও কর্ণ, তুমি বংশ-পরিচয়হীন নও । পাণ্ডুবংশধর তুমি—পাণ্ডব-জননী কুম্ভীদেবীর প্রথম পুত্র ।

কর্ণ । সত্য ? সত্য ? মৃত্যুর পূর্ব-মুহূর্তে এ কী বার্তা শোনালে আমায় ! এ কী আনন্দ ! এ কী শান্তি ! মৃত্যু-তোরণে উপস্থিত হ'য়ে জীবনের এ কী অপূর্ব আশ্বাদন ! নারায়ণ !

শ্রীকৃষ্ণ । বল নরোত্তম !

কর্ণ । মৃত্যুর পূর্বে তোমারই মুখে আমায় শুনে যেতে দাও—আমার কোনো কার্যে পাণ্ডবের গৌরবহানি হয়নি তো ?

অর্জুন । (নতজানু হইয়া) না মৃত্যুপথযাত্রী, না । তুমি পাণ্ডব এবং পাণ্ডব-শ্রেষ্ঠ ।

—————

উজ্জ্বল দৃশ্য

[উমুক্ত প্রাণেরে গান গাহিতে গাহিতে উদাসীর প্রবেশ]

গান

যে যেমন কর্ম্য করে
পায় সেই ফল,
কর্ম্যফল ভোগ করে
প্রাণীরা সকল ।

কেহ হয় নরপতি
কেহ হয় হেয় অতি
কেহ যায় স্বর্গধামে
কেহ রসাতল ।

আপনার ভবিষ্যৎ
গড়িতেছে সবে
নিজ কর্ম্য অনুসারে
ফল ভোগ হবে ;

সদা তুমি সদাচার
কর মন বারে বার
নিজ ধর্ম্যে শুভকর্ম্য
কর অবিরল ।

ষবনিকা

